

昌黎全集

漢書門
一〇一五六
八冊
函號類

內閣文庫
漢書
一〇一五六
八冊
函架

內閣文庫
番號 漢 10156
冊數 8 (2)
函號 314 226

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G Y M

© Kodak, 2007 TM: Kodak



昌黎先生全集卷第三

古詩

淺草文庫

河之水二首寄子姪老成

河之水去悠悠我不如水東流我有孤姪在海陬三年不見兮使我
生憂日復日夜復夜三年不見汝使我鬢髮未老而先化

河之水悠悠去我不如水東注我有孤姪在海浦三年不見兮使我
心苦采蕨于山緡魚于淵我徂京師不遠其還

山石

山石犖确行徑微黃昏到寺蝙蝠飛昇堂坐階新雨足芭蕉葉大支

子肥僧言古壁佛畫好以火來照所見稀鋪牀拂席置羹飯疎糲亦足飽我飢夜淡靜臥百蟲絕清月出嶺光入扉天明獨去無道路出入高下窮煙霏山紅澗碧紛爛漫時見松檜皆十圍當流赤足蹋澗石水聲激激風吹衣人生如此自可樂豈必局束爲人鞿嗟哉吾黨二三子安得至老不更歸

天星送楊凝郎中賀正

天星牢落雞喔咿僕夫起餐車載脂正當窮冬寒未已借問君子行安之會朝元正無不至受命上宰須及期侍從近臣有虛位公今此去歸何時

汴泗交流贈張僕射

汴泗交流郡城角築場千步平如削短垣三面繚逶迤擊鼓騰騰樹赤旗新秋朝涼未見日公早結束來何爲分曹決勝約前定百馬攢蹄近相映毬驚杖奮合且離紅牛纓紱黃金羈側身轉臂著馬腹霹靂應手神珠馳超遙散漫兩閑暇揮霍紛紜爭變化發難得巧意氣靡謹聲四合壯士呼此誠習戰非爲劇豈若安坐行良圖當今忠臣不可得公馬莫走須殺賊

忽忽

忽忽乎余未知生之爲樂也願脫去而無因安得長翮大翼如雲生

我身乘風振奮出六合絕浮塵死生哀樂兩相棄是非得失付閑人

鳴鴈

嗷嗷鳴鴈鳴且飛窮秋南去春北歸去寒就暖識所依天長地濶棲
息稀風霜酸苦稻梁微毛羽摧落身不肥徘徊反顧羣侶違哀鳴欲
下洲渚非江南水闊朝雲多草長沙軟無網羅閑飛靜集鳴相和違
憂懷惠性匪他凌風一舉君謂何

龍移

天昏地黑蛟龍移雷驚電激雄雌隨清泉百丈化為土魚鼈枯死吁
可悲

雉帶箭

原頭火燒靜兀兀野雉畏鷹出復沒將軍欲以巧伏人盤馬彎弓惜
不發地形漸窄觀者多雉驚弓滿勁箭加衝人決起百餘尺紅翎白
鏃隨傾斜將軍仰笑軍吏賀五色離披馬前墮

條山蒼

條山蒼河水黃浪波沄沄去松柏在山岡

贈鄭兵曹

樽酒相逢十載前君為壯夫我少年樽酒相逢十載後我為壯夫君
白首我材與世不相當戢鱗委翅無復望當今賢俊皆周行君何為

乎亦遑遑盃行到君莫停手破除萬事無過酒

桃源圖

神仙有無何眇芒桃源之說誠荒唐流水盤迴山百轉生綃數幅垂
中堂武陵太守好事者題封遠寄南宮下南宮先生忻得之波濤入
筆驅文辭文工畫妙各臻極異境恍惚移於斯架巖鑿谷開宮室接
屋連牆千萬日羸顛劉蹶了不聞地坼天分非所恤種桃處處惟開
花川原近遠烝紅霞初來猶自念鄉邑歲久此地還成家漁舟之子
來何所物色相猜更問語大蛇中斷喪前王羣馬南渡開新主聽終
辭絕共悽然自說經今六百年當時萬事皆眼見不知幾許猶流傳


爭持酒食來相饋禮數不同罇俎異月明伴宿玉堂空骨冷竟清無
夢寐夜半金雞啁晰鳴火輪飛出客心驚人間有累不可住依然離
別難為情船開棹進一迴顧萬里蒼蒼煙水暮世俗寧知偽與真至
今傳者武陵人

東方半明

東方半明大星沒獨有太白配殘月嗟爾殘月勿相疑同光共影須
更期殘月暉暉太白睽睽雞三號更五點

贈唐衢

虎有爪兮牛有角
虎可搏兮牛可觸
奈何君獨抱奇材
手把鋤犁餓



空谷當今天子急賢良
函朝出開明光胡不上書自薦達坐令四海如虞唐

貞女峽

江盤峽束春湍豪雷風戰鬪魚龍逃
懸流轟轟射水府一瀉百里翻雲濤
漂船擺石萬瓦裂咫尺性命輕鴻毛

贈侯喜

吾黨侯生字叔迨呼我持竿釣溫水
平明鞭馬出都門盡日行行荆棘裏
溫水微茫絕又流滾如車轍闊容駟
蝦蟇跳過雀兒浴此縱有魚何足求
我爲侯生不能已盤針擘粒投泥滓
脯時堅坐到黃昏

倦目勞方一起暫動還休未可期
蝦行蛭渡似皆疑舉竿引線忽有
得一寸纔分鱗與鬣是日侯生與韓子良久歎息相看悲我今行事
盡如此此事正好爲吾規半世遑遑就舉選一名始得紅顏衰人間
事勢豈不見徒自辛苦終何爲便當提攜妻與子南入箕潁無還時
又君今氣方銳我言至切君勿嗤君欲釣魚須遠去大魚豈肯居
沮洳

古意

太華峰頭玉井蓮
開花十丈藕如船
冷比雪霜甘比蜜
一片入口沉痾痊
我欲求之不憚遠
青壁無路難夤緣
安得長梯上摘實
下種七

澤根株連

八月十五夜贈張功曹

織雲四卷天無河清風吹空月舒波沙平水息聲影絕一盃相屬君
當歌君歌聲酸辭且苦不能聽終淚如雨洞庭連天九疑高蛟龍出
沒猩鼯號十生九死到官所幽居默默如藏逃下牀畏蛇食畏藥海
氣濕蟄熏腥臊昨者州前槌大鼓嗣皇繼聖登夔臯赦書一行萬
里罪從大辟皆除死遷者追迴流者還滌瑕蕩垢朝清班州家申名
使家抑坎軻祇得移荆蠻判司卑官不堪說未免推楚塵埃閒同時
輩流多上道天路幽險難追攀君歌且休聽我歌今與君殊科

一年明月今宵多人生由命非由他有酒不飲奈明何

謁衡嶽廟遂宿嶽寺題門樓

五嶽祭秩皆三公四方環鎮嵩當中火維地荒足妖怪天假神柄專
其雄噴雲泄霧藏半腹雖有絕頂誰能窮我來正逢秋雨節陰氣晦
昧無清風潛心默禱若有應豈非正直能感通須臾靜掃衆峰出仰
見突兀撐青空紫蓋連延接天柱石廩騰擲堆祝融森然魄動下馬
拜松栢一逕趨靈宮粉牆丹柱動光彩鬼物圖畫填青紅升階僂僂
薦脯酒欲以菲薄明其衷廟令老人識神意睢盱能鞠躬手持
盃琬導我擲云此最吉餘難同竄逐蠻荒幸不死衣食纔足甘長終

侯王將相望久絕神縱欲福難為功夜投佛寺上高閣星月揜映雲
腫隴猿鳴鐘動不知曙杲杲寒日生於東

响嘯山

响嘯山尖神禹碑字青石赤形摹奇科斗拳身薤倒披鸞飄鳳泊拏
虎螭事巖跡秘鬼莫窺道人獨上偶見之我來咨嗟涕漣而千搜萬
索何處有森森綠樹猿猱悲

永貞行

君不見太皇亮陰未出令小人乘時偷國柄北軍百萬虎與貔天子
自將非他師一朝奪印付私黨懍懍朝士何能為狐鳴梟噪爭署置

賜朕跳踉相嫵媚夜作詔書朝拜官超資越序曾無難公然白日受
賄賂火齊磊落堆金盤元臣故老不敢語晝臥涕泣何汎瀾董賢三
公誰復惜侯景九錫行可歎國家功高德且厚天位未許庸夫干嗣
皇卓犖信英主文如太宗武高祖膺圖受禪登明堂共流幽州鯨死
羽四門肅穆賢俊登數君匪親豈其朋郎官清要為世稱荒郡迫野
嗟可矜湖波連天日相騰蠻俗生梗瘴癘烝江氛嶺稜昏若凝一蛇
兩頭見未曾怪鳥鳴喚令人憎蠱蟲羣飛夜撲燈雄虺毒螫墮股肱
食中置藥肝心崩左右使令詐難憑慎勿浪信常兢兢吾嘗同僚情
可勝具書目見非妄徵嗟爾既往宜為懲

洞庭湖阻風贈張十一署

十月陰氣盛北風無時休蒼茫洞庭岸與子維雙舟霧雨晦爭泄波濤怒相投犬雞斷四聽糧絕誰與謀相去不容步險如礙山丘清談可以飽夢想接無由男女喧左右飢啼但啾啾非懷北歸興何用勝羈愁雲外有白日寒光自悠悠能令暫開霽過是我無求

李花贈張十一署

江陵城西二月尾花不見桃惟見李風揉雨練雪羞比波濤翻空杳無埃君知此處花何似白花倒燭天夜明羣雞驚鳴官吏起金烏海底初飛來朱輝散射青霞開迷覓亂眼看不得照耀萬樹繁如堆念

昔少年著遊燕對花豈省曾辭盃自從流落憂感集欲去未到先思迴祗今四十已如此後日更老誰論哉力攜一罇獨就醉不忍虛擲委黃埃

杏花

居鄰北郭古寺空杏花兩株能白紅曲江滿園不可到看此寧避雨與風二年流竄出嶺外所見草木多異同冬寒不嚴地恒泄陽氣發亂無全功浮花浪蘂鎮長有纔開還落瘴霧中山榴躑躅少意思照耀黃紫徒爲叢鷓鴣鉤輦猿叫歇杳杳淡谷攢青楓豈如此樹一來翫若在京國情何窮今日且胡爲忽惆悵萬片飄泊隨西東明年更發

應更好道人莫忘鄰家翁

感春四首

我所思兮在何所情多地遐兮徧處處東西南北皆欲往千江隔兮萬山阻春風吹園雜花開朝日照屋百鳥語三盃取醉不復論一生長恨奈何許

皇天平分成四時春氣漫誕最可悲雜花糝林草蓋地白日座上傾天維蜂喧鳥咽留不得紅萼萬片從風吹豈如秋霜雖慘冽摧落老物誰惜之爲此徑須沽酒飲自外天地棄不疑近憐李杜無檢束爛漫長醉多文辭屈原離騷二十五不肯餽啜糟與醪惜哉此子巧言

語不到聖處寧非癡幸逢堯舜明四目條理品彙皆得宜平明出門暮歸舍酩酊馬上知爲誰

朝騎一馬出瞑就一牀臥詩書漸欲拋節行久已隋冠欹感髮禿語誤悲齒墮孤負平生心已矣知何奈

我恨不如江頭人長網橫江遮紫鱗獨宿荒陂射鳧鴈賣納租賦官不嗔歸來歡笑對妻子衣食自給寧羞貧今者無端讀書史智慧只足勞精神畫蛇著足無處用兩鬢雪白趨埃塵乾愁漫解坐自累與衆異趣誰相親數盃澆腸雖暫醉皎皎萬慮醒還新百年未滿不得死且可勤買拋青春

李花初發君始病我往看君花轉盛走馬城西惆悵歸不忍千株雪
相映邇來又見桃與梨交開紅白如爭競可憐物色阻攜手空展霜
縑吟九詠紛紛落盡泥與塵不共新糝比端正桐華最晚今已繁君
不强起時難更關山遠別固其理寸步難見始知命憶昔與君同貶
官夜渡洞庭看斗柄豈料生還得一處引袖拭淚悲且慶各言生死
兩追隨直置心親無貌敬念君又署南荒吏路指鬼門幽且曩三公
盡是知音人曷不薦賢陛下聖囊空甌倒誰救之我今一食日還併
自然憂氣損天和安得康強保天性斷鶴兩翅鳴何哀繫驥四足氣

空橫今朝寒食行野外綠楊兩岸蒲生遊宋王庭邊不見人輕浪參
差魚動鏡自嗟孤賤足瑕疵特見放縱荷寬政飲酒寧嫌觥底淡題
詩尚倚筆鋒勁明宵故欲相就醉有月莫愁當火令

憶昨行和張十一

憶昨夾鍾之呂初吹灰上公禮罷元侯迴車載牲牢甕舁酒並召賓
客延鄒枚腰金首翠光照耀絲竹迴發清以哀青天白日花草麗玉
笋屢舉傾金疊張君名聲座所屬起舞先醉長松摧宿醒未解舊疴
作淡室靜臥聞風雷自期殞命在春序屈指數日憐嬰孩危辭苦語
感我耳淚落不掄何濯濯念昔從君渡湘水大帆夜劃窮高桅陽山

鳥路出臨武驛馬拒地驅頻躓踐蛇茹蠱不擇死忽有飛詔從天來
 伍文未捕崖州熾雖得赦宥恒愁猜近者三姦悉破碎羽窟無底幽
 黃能眼中了了見鄉國知有歸日眉方開今君縱署天涯吏投檄北
 去何難哉無妄之憂勿藥喜一善自足禳千災頭輕目朗肌骨健古
 劍新斲磨塵埃殃銷禍散百福併從此直至耆與鮪嵩山東頭伊洛
 岸勝事不假須穿裁君當先行我待滿沮溺可繼窮年推

昌黎先生全集卷第三

昌黎先生全集卷第四

古詩

劉生詩

生名師命其姓劉自少軒輊非常儔棄字如遺來遠遊東走梁宋暨
 揚州遂凌大江極東陬洪濤春天禹穴幽越女一笑三年留南逾橫
 嶺入炎州青鯨高磨波山浮怪魅炫曜堆蛟虬山豢謹譟猩猩游毒
 氣燥體黃膏流問胡不歸良有由美酒傾水肴肥牛妖歌慢舞爛不
 收倒心迴腸爲青眸千金邀顧不可酬乃獨遇之盡綉繆瞥然一餉
 成十秋昔鬚未生今白頭五管歷徧無賢侯迴望萬里還家羞湯山


窮邑惟猿猴手持釣竿遠相投我為羅列陳前修芟蒿斬蓬利鋤耨
天星迴環數纔周文學穰穰困倉糶車輕御良馬力優咄哉識路行
勿休往取將相酬恩讎

鄭羣贈簞

蕲州笛竹天下知鄭君所寶尤瓌奇攜來當畫不得臥一府傳看黃
瑠璃體堅色淨又藏節盡眼凝滑無瑕疵法曹貧賤眾所易腰腹空
大何能為自從五月困暑濕如坐淡甑遭烝炊手磨袖拂心語口慢
膚多汗真相宜日暮歸來獨惆悵有賣直欲傾家資誰謂故人知我
意卷送八尺含風漪呼奴掃地鋪未了光彩照耀驚童兒青蠅側翅
蚤蟲避肅肅疑有清飈吹倒身甘寢百疾愈却願天日恒炎曦明珠
青玉不足報贈子相好無時衰

豐陵行

羽衛煌煌一百里曉出都門葬天子羣臣雜沓馳後先宮官穰穰來
不已是時新秋七月初金神按節炎氣除清風飄飄輕雨灑偃寒旂
旆卷以舒逾梁下坂笳鼓咽喘嶮遂走玄宮闔哭聲旬天百鳥噪幽
坎晝閉空靈輿皇帝奉心滾且遠資送禮備無贏餘設官置衛鎖嬪
妓供養朝夕象平居臣聞神道尚清淨三代舊制存諸書墓藏廟祭
不可亂欲言非職知何如



遊青龍寺贈崔大補闕

秋灰初吹季月管日出卯南暉景短友生招我佛寺行正值萬株紅葉滿光華閃壁見神鬼赫赫炎官張火傘然雲燒樹大寶駢金鳥下啄蘋虬卵竟翻眼倒忘處所赤氣沖融無間斷有如流傳上古時九輪照燭乾坤早二三道士席其閒靈液屢進頗黎盃忽驚顏色變韶稚却信靈仙非怪誕桃源迷路竟茫茫棗下悲歌徒纂纂前年嶺隅鄉思發躑躅成山閉不算去歲羈帆湘水明霜楓千里隨歸伴猿呼鼯嘯鷓鴣啼惻耳酸腸難濯澣思君攜手安能得今者相從敢辭懶由來鈍騃寡參尋況是儒官飽閑散惟君與我同懷抱鋤去陵谷置

平坦年少得途未要忙時清諫疏尤宜罕何人有酒身無事誰家多竹門可欵須知節候卽風寒幸及亭午猶妍暖南山逼冬轉清瘦刻畫圭角出崖窾當憂復被冰雪埋汲汲來窾誠遲緩

贈崔立之評事

崔侯文章苦捷敏高浪駕天輪不盡曾從關外來上都隨身卷軸車連軫朝爲百賦猶鬱怒暮作千詩轉迢緊搖毫擲簡自不供頃刻青紅浮海層才豪氣猛易語言往往蛟螭雜螻蚓知音自古稱難遇世俗乍見那妨哂勿嫌法官未登朝猶勝赤尉長趨尹時命雖乖心轉壯技能虛富家逾窘念昔塵埃兩相逢爭名齟齬持矛楯子時專場

誇荷距余始張軍嚴鞮鞞爾來但欲保封疆莫學龐涓怯孫臏
逐新歸厭聞鬪齒髮早衰嗟可閔頻蒙怨句刺棄遺豈有閑官敢推引
淡藏篋笥時一發戢戢已多如束筍可憐無益費精神有似黃金擲
虛牝當今聖人求侍從拔擢杞梓收梧箇東馬嚴徐已奮飛枚臯卽
召禽且忍復聞王師西討蜀霜風冽冽摧朝菌走章馳檄枉得賢燕
雀紛拏要鷹隼竊料二塗必處一豈比恒人長蠢蠢勸君韜養待徵
招不用雕琢愁肝腎牆根菊花好沽酒錢帛縱空衣可準暉暉簷日
暖且鮮槭槭井梧疎更殞高士例須憐麴蘖丈夫終莫生哇眈能來
取醉任喧呼死後賢愚俱泯泯

送區弘南歸

穆昔南征軍不歸蟲沙猿鶴伏以飛洶洶洞庭莽翠微九疑鑱天荒
是非野有象犀水貝璣分散百寶人士稀我遷于南日周圍來見者
衆莫依稀爰有區子熒熒暉觀以彝訓或從違我念前人警葑菲落
以斧引以繆徽雖有不逮驅駢駢或採于薄漁于磯服役不辱言不
譏從我荊州來京畿離其母妻絕因依嗟我道不能自肥子雖勤苦
終何希王都觀闕雙巍巍騰蹋衆駿事鞍鞮佩服上色紫與緋獨子
之節可嗟唏母附書至妻寄衣開書拆衣淚痕晞雖不勅還情庶幾
朝暮盤羞側庭闈幽房無人感伊威人生此難餘可祈子去矣時若

發機屢沈海底氣昇霏彩雉野伏朝扇輦處子窈窕王所妃苟有令
德隱不腓况今天子鋪德威蔽能者誅薦受襪出送撫背我涕揮行
行正直慎脂韋業成志樹來頎頎我當為子言天扉

三星行

我生之辰月宿南斗牛奮其角箕張其口牛不見服箱斗不挹酒漿
箕獨有神靈無時停斂揚無善名已聞無惡聲已謹名聲相乘除得
少失有餘三星各在天什伍東西陳嗟汝牛與斗汝獨不能神

剝啄行

剝剝啄啄有客至門我不出應客去而嗔從者語我子胡為然我不

厭客困于語言欲不出納以堙其源空堂幽幽有粘有堯門以兩版
叢書於閒窅窅深塹其墉甚完彼寧可窺此不可干從者語我嗟子
誠難子雖云爾其口益蕃我為子謀有萬其全凡今之人急名與官
子不引去與為波瀾雖不開口雖不開關變化咀嚼有鬼有神今去
不勇其如後艱我謝再拜汝無復云往追不及來不有年

青青水中蒲三首

青青水中蒲下有一雙魚君今上隴去我在與誰居
青青水中蒲長在水中居寄語浮萍草相隨我不如
青青水中蒲葉短不出水婦人不下堂行子在萬里

孟東野失子并序

東野連產三子不數日輒失之幾老念無後以悲其友人昌黎韓愈懼其傷也推天假其命以喻之

失子將何尤吾將上尤天女實主下人與奪一何偏彼於女何有乃令蕃且延此獨何罪辜生死旬日閒上呼無時聞滴地淚到泉地祇為之悲瑟縮久不安乃呼大靈龜騎雲欵天門問天主下人薄厚胡不均天曰天地人由來不相關吾懸日與月吾繫星與辰日月相啗齧星辰踣而顛吾不女之罪知非女由因且物各有分孰能使之然有子與無子禍福未可原魚子滿母腹一一欲誰憐細腰不自乳舉

族長孤鰥鳩臬啄母腦母死子始翻螻蛇生子時坼裂腸與肝好子雖云好未還恩與勤惡子不可說鳩臬螻蛇然有子且勿喜無子固勿歎上聖不待教賢聞語而遷下愚聞語惑雖教無由悛大靈頓頭受即日以命還地祇謂大靈女往告其人東野夜得夢有夫玄衣巾闐然入其戶三稱天之言再拜謝玄夫收悲以歡忻

陸渾山火和皇甫湜用其韻

皇甫補官古賁渾時當玄冬澤乾源山狂谷很相吐吞風怒不休何軒軒擺磨出火以自燔有聲夜中驚莫原天跳地踔顛乾坤赫赫上照窮崖垠截然高周燒四垣神焦鬼爛無逃門三光弛隳不復燉虎

熊麋豬逮猴猿水龍鼉龜魚與黿鴉鴟鷹雉鵠鷓鴣魚煨燻孰飛
奔祝融告休酌卑尊錯陳齊玫闢華園芙蓉披猖塞鮮繁千鐘萬鼓
咽耳喧攢雜啾噉沸簾瑱彤幢絳旃紫纛旛炎官熱屬朱冠禪髻其
肉皮通騰膺頰胃垵腹車掀轅緹顏誅股豹兩韃霞車虹鞠日轂輻
丹粧縹蓋緋縉帑紅帷赤幕羅脈騰益池波風肉陵屯谿呀鉅壑頗
黎盆豆登五山瀛四罇熙熙醕醕笑語言雷公壁山海水翻齒牙嚼
齧舌腭反電光礮礮頰目暖項冥收威避玄根斥棄輿馬背厥孫縮
身潛喘拳肩跟君臣相憐加愛恩命黑螭偵焚其元天關悠悠不可
援夢通上帝血面論側身欲進叱於闍帝賜九河前涕痕又詔巫陽

反其竟徐命之前問何冤火行於冬古所存我如禁之絕其殮女丁
婦壬傳世婚一朝結讎奈後昆時行當反慎藏蹲視桃著花可小騫
月及申酉利復怨助汝五龍從九鯤溺厥邑囚之崑崙皇甫詩止
睡昏辭誇出與遂上焚要余和增怪又煩雖欲悔舌不可捫

縣齋
四書

出宰山水縣讀書松桂林蕭條捐末事邂逅得初心衰狄醒俗耳清
泉潔塵襟詩成有共賦酒熟無孤斟青竹時默釣白雲日幽尋南方
本多毒北客怕懼侵謫譴甘自守滯留愧難任投章類縞帶佇答逾

兼金

新竹

筍添南堦竹
戶羅三四高
乍依行爛漫
瞪視

日日成清閼
縹節已儲霜
黃苞猶揜翠
出欄抽五六
當
陵秋嚴貞色奪
春媚稀生巧
補林併出疑
爭地縱橫
忽無次風枝未
飄吹露粉先
洒淚何人可
攜翫清景空

晚菊

少年飲酒時
行把歸家此

踊躍見菊花
今來不復飲
每見恫咨嗟
佇立摘滿手
行時無與語
棄置奈悲何

落齒

去年落一牙
落應始止憶
將落時慄慄
山比今來落
一自足支兩
我言生有涯
鴈各有喜語

今年落一齒
俄然落六七
落勢殊未已
餘存皆動搖
盡
初落一時但
念豁可恥
及至落二三
始憂衰即死
每一
恫咨嗟
佇立摘滿手
行時無與語
棄置奈悲何
恫在已
又牙妨食物
顛倒怯漱水
終焉捨我落
意與崩
既熟見落空
相似餘存二
十餘次第知
落矣儻常歲
落
紀如其落併
空與漸亦同
指人言齒之
落壽命理難
恃
長短俱死爾
人言齒之豁
左右驚諦視
我言莊周云
木
訛默固好嚼
廢輒還美因
歌遂成詩持
用詫妻子

哭楊兵部凝陸欽州參

人皆期七十

纔半豈蹉跎
併出知已淚
自然白髮多
晨興為誰慟
還

坐久滂沱論 文與晤語已矣可如何

苦寒

四時各不分 一氣不可兼隆寒奪春序顛項固不廉太昊弛維綱畏
避但守謙 令黃泉下萌牙天勾尖草木不復抽百味失苦甜凶飈
攪宇宙 甚割砭日月雖云尊不能活烏蟾羲和送日出恒怯頻
窺覘 祝融呵噓不相炎而我當此時恩光何由沾肌膚生鱗
甲衣 如刀 鍊氣寒鼻莫鼻血凍指不粘濁膠沸入喉口角如銜箝
將持匕箸食 胸指如排籤侵鑪不覺暖熾炭屢已添探湯無所益何
况續與縑虎 豹僵穴中蛟螭死幽潛焚惑喪躔次六龍冰脫髯芒屨

大包內生類恐盡 熾啾啾窻間雀不知已微纖舉頭仰天鳴所願晷
刻淹不如彈射死却得親魚鱗鸞皇苟不存爾固不在占其餘蠢動
侍俱死誰恩嫌伊我稱最靈不能女覆苫悲哀激憤歎五藏難安恬
中宵倚牆立淫淚何漸漸天王哀無辜惠我下顧瞻褰旒去耳續調
和進梅鹽豎能日登御黜彼傲與儉生風吹死氣豁達如褰簾懸乳
零落墮晨光入前簷雪霜頓銷釋上脉膏且黏豈徒蘭蕙榮施及艾
與兼日尊行鑠鑠風條坐襜襜天乎苟其能吾死意亦厭

和虞部盧四汀酬翰林錢七徽赤藤杖歌

赤藤為杖世未窺 臺郎始攜自滇池滇王掃宮避使者跪進再拜語

詩集

卷四

古詩

七

赤藤杖

盟叩繩橋挂過免傾墮性命造次蒙扶持途經百國皆莫識君臣聚
 觀逐旌麾共傳真神出水獻赤龍拔鬚血淋漓又云義和操火鞭
 到西極睡所遺幾重包裹自題署不以珍怪誇荒夷歸來捧贈同舍
 子淨光照手欲把疑空堂晝眠倚牖戶飛電著壁搜蛟螭南宮清
 禁闈密唱和有類吹填簾妍辭麗句不可繼見寄聊且慰分司

崔十六少府攝伊陽以詩及書見投因酬三十韻

崔君初來時相識頗未慣但聞赤縣尉不比博士慢質屋得連牆往
 來忻莫問我時亦新居觸事苦難辦蔬飧要同喫破襖請來綻謂言
 安堵後貸借更何患不知孤遺多舉族仰薄宦有時未朝餐得米日

已晏隔牆聞謹呼衆口極驚鴈前計頗乖張居然見真贗嬌兒好眉
 眼袴脚凍兩骭捧書隨諸兄累累兩角巾冬惟茹寒齏秋始識瓜瓣
 問之不言飢餓若厭芻豢才名三十年冬合居給諫白頭趨走裏閉
 口絕謗訕府公舊同袍拔擢宰山淵寄詩雜談俳有類說鵬鷃上言
 酒味酸冬衣竟未撰下言人吏稀惟足彪與戲又言致猪鹿此語乃
 善幻三年國子師腸肚習藜藿况住洛之涯魴鱒可單汕肯效屠門
 嚼久嫌弋者篡謀拙日焦拳活計似鋤剗男寒澁詩書妻瘦剩腰襜
 爲官不事職厥罪在欺謾行當自劾去漁釣老葭葭窮寒氣驕冰
 雪滑磴棧音問難屢通何由覲清盼

送侯參謀赴河中幕

憶昔初及第各以少年稱君願始生鬚我齒清如冰爾時心氣壯百事謂已能一別詎幾何忽如隔晨興我齒豁可鄙君顏老可憎相逢風塵中相視迭嗟矜幸同學省官末路再得朋東司絕教授遊宴以爲恒秋漁蔭密樹夜博然明燈雪逕抵樵叟風廊折談僧陸渾桃花閒有湯沸如烝三月崧少步躑躅紅千層洲沙厭晚坐嶺壁窮晨昇沈冥不計日爲樂不可勝遷滿一已異乖離坐難憑行行事結束人馬何躊躇感激生膽勇從軍豈嘗會泱泱司徒公天子爪與肱提師十萬餘四海欽風稜河北兵未進蔡州帥新薨曷不請掃除活彼黎

與然鄙夫誠怯弱受恩愧徒弘猶思脫儒冠棄死取先登又欲面言事上書求詔徵侵官固非是妄作譴可懲惟當待責免耕廩歸溝塍今君得所附勢若脫鞴鷹檄筆無與讓幕謀職其膺收績開史牒翰飛逐溟鴻男兒貴立事流景不可乘歲老陰沴作雲頽雪翻崩別袖拂浴水征車轉嶠陵勤勤酒不進勉勉恨已仍送君出門歸愁腸若牽繩默坐念語笑癡如遇寒蠅策馬誰可適晤言誰爲應席塵惜不掃殘罇對空凝信知後會時日月屢環緝生期理行役歡緒絕難承寄書惟在頻無恡簡與繒

東都遇春

少年氣真狂有意與春競行逢二三月九州花相映川原曉服鮮桃李晨粧靚荒乘不知疲醉死豈辭病飲噉惟所便文章倚豪橫爾來曾幾時白髮忽滿鏡舊遊喜乖張新輩足嘲評心腸一變化羞見時節盛得閑無所作貴欲辭視聽淡居疑避仇默臥如當瞑朝曦入牖來鳥喚昏不醒爲生鄙計筭鹽米告屢罄坐疲都忘起冠側懶復正幸蒙東都官獲離機與弃乖慵遭傲僻漸染生弊性旣去焉能追有來猶莫聘有船魏王池往往縱孤泳水容與天色此處皆綠淨岸樹共紛披渚牙相緯經懷歸若不果卽事取幽遊貪求匪名利所得亦已併悠悠度朝昏落落捐季孟羣公一何賢上戴天子聖謀謨收禹績四面出雄勁轉輸非不勤稽逋有軍令在庭百執事奉職各祇敬我獨胡爲哉坐與億兆慶譬如籠中鳥仰給活性命爲詩告友生負愧終究竟

感春五首

辛夷高花最先開青天露坐始此迴已呼孺人戛鳴瑟更遣稚子傳清孟進壯軍興不爲用坐狂朝論無由陪如今到死得閑處還有詩賦歌康哉

洛陽東風幾時來川波岸柳春全迴宮門一鎖不復啓雖有九陌無塵埃策馬上橋朝日出樓闕赤白正崔嵬孤吟屢闕莫與和寸恨至

短誰能裁

春田可耕時已催王師北討何當迴放車載草農事濟戰馬苦飢誰
念哉蔡州納節舊將死起居諫議聯翩來朝廷未省有遺策肯不垂

意謝與鼎

前隨杜尹拜表迴笑言溢口何歡怡孔丞別我適臨汝風骨峭峻遺
塵埃音容不接祗隔夜凶計詎可相尋來天公高居鬼神惡欲保性
命誠難哉

辛夷花房忽全開將衰正盛須頻來清晨輝輝燭霞日薄暮耿耿和
煙埃朝明夕暗已足歎况乃滿地成摧頽迎繁送謝別有意誰肯留

念少環迴

酬裴十六功曹巡府西驛塗中見寄

相公罷論道聿至活東人御史坐言事作吏府中塵遂令河南治今
古無儔倫四海日富庶道途隘蹄輪府西三百里候館同魚鱗相公
謂御史勞子去自巡是時山水秋光景何鮮新哀鴻鳴清耳宿霧褰
高旻遺我行旅詩軒軒有風神譬如黃金盤照耀荆璞真我來亦已
幸事賢友其仁持竿洛水側孤坐屢窮辰多才自勞苦無用祗因循
辭免期匪遠行行及山春

燕河南府秀才

吾皇紹祖烈天下再太平詔下諸郡國歲貢鄉曲英元和五年冬房
公尹東京功曹土言公是月當登名乃選二十縣試官得鴻生羣儒
負已材相賀簡擇精怒起鍛羽翻引吭吐鏗轟此都自周公文章繼
名聲自非絕殊尤難使耳目驚今者遭震薄不能出聲鳴鄙夫忝縣
尹愧慄難爲情惟求文章寫不敢妬與爭還家勅妻兒具此煎烹烹
柿紅蒲萄紫肴果相扶漿芳茶出蜀門好酒濃且清何能充歡燕庶
以露厥誠昨聞詔書下權公作邦楨文人得其職文道當大行陰風
攪短日冷雨澁不晴勉哉戒徒馭家國遲子榮

送李翱

廣州萬里途山重江逶迤行行何時到誰能定歸期揖我出門去顏
色異恒時雖云有追送足跡絕自茲人生一世間不自張與施譬如
浮江水縱橫豈自知寧懷別時苦勿作別後思

送石處士赴河陽幕

長把種樹書人云避世士忽騎將軍馬自號報恩子風雲入壯懷泉
石別幽耳鉅鹿師欲老常山險猶恃豈惟彼相憂固是吾徒恥去去
事方急酒行可以起

送湖南李正字歸

長沙入楚溪洞庭值秋晚人隨鴻鴈少江共蒹葭遠歷歷余所經悠

悠悠高返孤游懷耿介旅宿夢婉婉風土稍殊音魚蝦日異飯親交
但在此誰與同息偃

昌黎先生全集
卷四
古詩
四

昌黎先生全集卷第五

古詩

辛卯年雪

元和六年春寒氣不肯歸河南二月末雪花一尺圍崩騰相排拶龍
鳳交橫飛波濤何飄揚天風吹旛旂白帝盛羽衛鬢鬚振裳衣白霓
先啓塗從以萬玉妃翕翕陵厚載譁譁弄陰機生平未曾見何暇議
是非或云豐年祥飽食可庶幾善禱吾所慕誰言寸誠微

醉留東野

昔年因讀李白杜甫詩長恨二人不相從吾與東野生並世如何復

皇朝詩集 卷五 古詩 一
躡二子蹤東野不得官白首誇龍鍾韓子稍姦黠自慙青蒿倚長松
低頭拜東野願得終始如駟蚤東野不迴頭有如寸筵撞鉅鐘吾願
身爲雲東野變爲龍四方上下逐東野雖有離別無由逢

李花二首

平旦入西園梨花數株若矜夸旁有一株李顏色慘慘似含嗟問之
不肯道所以獨繞百匝至日斜忽憶前時經此樹正見芳意初萌芽
奈何赴酒不省錄不見玉枝攢霜葩泫然爲汝下雨淚無由反旆羲
和車東風來吹不解顏蒼茫夜氣生相遮冰盤夏薦碧實脆斥去不
御慙其花

當春天地爭奢華洛陽園苑尤紛拏誰將平地萬堆雪剪刻作此連
天花日光赤色照未好明月誓入都交加夜領張徹投盧仝乘雲共
至玉皇家長姬香御四羅列縞裙練悅無等差靜濯明粧有所奉顧
我未肯置齒牙清寒瑩骨肝膽醒一生思慮無由邪

招揚之罌一首

柏生兩石間萬歲終不大野馬不識人難以駕車蓋柏移就平地馬
羈入廐中馬思自由悲柏有傷根容傷根柏不死千丈日以至馬悲
罷還樂振迅矜鞍轡之罌南山來文字得我驚館置使讀書日有求
歸聲我令之罌歸失得柏與馬之罌別我去計出柏馬下我自之罌

歸入門思而悲之。哭別我去，能不思我爲灑掃縣中，居引水經竹間，
鄙諱所不及，何異山中閑。前陳百家書，食有肉與魚。先王遺文章，綴
緝實在余。禮稱獨學陋，易貴不遠復。作詩招之哭，晨夕抱飢渴。

寄盧仝

玉川先生洛城裏，破屋數間而已矣。一奴長鬚不裹頭，一婢赤脚老
無齒。辛勤奉養十余人，上有慈親下妻子。先生結髮憎俗徒，閉門不
出動一紀。至今鄰僧乞米送僕，忝縣尹能不恥。俸錢供給公私餘，時
致薄少助祭祀。勸參留守謁大尹，言語纔及輒掩耳。水北山人得名
聲，去年云作幕下士。水南山人又繼往，鞍馬僕從塞閭里。少室山人

索價高兩以諫，官徵不起，彼皆刺口論世事，有力未免遭驅使。先生
事業不可量，惟用法律自繩已。春秋三傳束高閣，獨抱遺經究終始。
往年弄筆嘲同異，怪辭驚衆謗不已。近來自說尋坦塗，猶上虛空跨
綠駟。去歲生兒名添丁，意令與國充耘耔。國家丁口連四海，豈無農
夫親耒耜。先生抱才終大用，宰相未許終不仕。假如不在陳力列，立
言豈範亦足恃。苗裔當蒙十世宥，豈謂貽厥無基趾。故知忠孝生天
性，潔身亂倫安足擬。昨晚長鬚來下狀，隔牆惡少惡難似。每騎屋山
下，窺闕渾舍驚。怕走折趾，憑依婚媾欺。官吏不信，令行能禁止。先生
受屈未曾語，忽此來告良有以。嗟我身爲赤縣令，操權不用欲何俟。

昌黎全集 卷五 古詩 三

立召賊曹呼伍伯盡取鼠輩尸諸市先生又遣長鬚來如此處置非
所喜况又時當長養節都邑未可猛政理先生固是余所畏度量不
敢窺涯涘放縱是誰之過歟效尤戮僕愧前史買羊沽酒謝不敏偶
逢明月曜桃李先生有意許降臨更遣長鬚致雙鯉

酬司門盧四兄雲夫院長望秋作

長安雨洗新秋出極目寒鏡開塵函終南曉望蹋龍尾倚天更覺青
巉巖自知短淺無所補從事久此穿朝衫歸來得便即遊覽暫似壯
馬脫重銜曲江荷花蓋十里江湖生目思莫緘樂遊下矚無遠近綠
槐萍合不可芟白首寓居誰借問平地寸步局雲巖雲夫吾兄有狂

氣嗜好與俗殊酸鹹日來省我不肯去論詩說賦相誦誦望秋一章
已驚絕猶言低抑避謗讒若使乘酣騁雄怪造化何以當鐫劖嗟我
小生值強伴怯膽變勇神明鑒馳坑跨谷終未悔為利而止真貪饒
高揖羣公謝名譽遠追甫白感至誠樓頭完月不共宿其奈就缺行
攢攢

誰氏子

非癡非狂誰氏子去入王屋稱道士白頭老母遮門啼挽斷衫袖留
不止翠眉新婦年二十載送還家哭穿市或云欲學吹鳳笙所慕靈
妃媿蕭史又云時俗輕尋常力行險怪取貴仕神仙雖然有傳說知

昌黎全集 卷五 古詩 三

若盡知其妄矣聖君賢相安可欺乾死窮山竟何俟嗚呼余心誠豈
弟願往教誨究終始罰一勸百政之經不從而誅未晚耳誰其友親
能哀憐寫吾此詩持送似

河南令舍池臺

灌池纔盈五六丈築臺不過七八尺欲將層級壓籬落未許波瀾量
斗碩規摹雖巧何足誇景趣不遠真可惜長令人吏遠趨走已有蛙
龜助狼藉

送無本師歸范陽

無本於爲文身大不及膽吾嘗示之難勇往無不敢蛟龍弄角牙造

次欲手攬衆鬼囚大幽下覷襲玄窟天陽熙四海注視首不領鯨鵬
相摩宰兩舉快一噉夫豈能必然固已謝黠黠狂詞肆滂葩低昂見
舒慘姦窮怪變得往往造平澹蜂蟬碎錦纈綠池披茵茵芝英擢荒
藜孤翮起連莖家住幽都遠未識氣先感來尋吾何能無殊嗜昌歎
始見洛陽春桃枝綴紅糝遂來長安里時卦轉習坎老懶無關心久
不事鉛槧欲以金帛酬舉室常頗領念當委我去雪霜刻以懣獐鷃
攬空衢天地與頓撼勉率吐歌詩尉女別後覽

石鼓歌

張生手持石鼓文勸我試作石鼓歌少陵無人謫僊死才薄將奈石

鼓何周綱陵遲四海沸宣王憤起揮天戈大開明堂受朝賀諸侯劔
珮鳴相磨蒐于歧陽騁雄俊萬里禽獸皆遮羅鐫功勒成告萬世鑿
石作鼓鑿嗟峨從臣才藝咸第一揀選撰刻留山阿雨淋日炙野火
燎鬼物守護煩撝呵公從何處得紙本毫髮盡備無差訛辭嚴義密
讀難曉字體不類隸與科年湮豈免有缺畫快劔斫斷生蛟鼉鸞翽
鳳翥衆仙下珊瑚碧樹交枝柯金繩鐵索鎖紐壯古鼎躍水龍騰梭
陋儒編詩不收入二雅褊迫無委蛇孔子西行不到秦倚據星宿遺
義娥嗟余好古生苦晚對此涕淚雙滂沱憶昔初蒙博士徵其年始
改稱元和故人從軍在右輔爲我量度掘臼科濯冠沐浴告祭酒如

此至寶存豈多氈苞席裏可立致十鼓祇載數駱駝薦諸太廟比郤
鼎光價豈止百陪過聖恩若許留太學諸生講解得切磋觀經鴻都
尚填咽坐見舉國來奔波剡苔剔蘚露節角安置妥帖平不頗大厦
深簷與蓋覆經歷久遠期無佗中朝大官老於事詎肯感激徒婣婁
牧童敲火牛礪角誰復著手爲摩挲日銷月鑠就埋沒六年西顧空
吟哦羲之俗書趨姿媚數紙尚可博白鷺繼周八代爭戰罷無人收
拾理則那方今太平日無事柄任儒術崇丘軻安能以此上論列願
借辯口如懸河石鼓之歌止於此嗚呼吾意其蹉跎

雙鳥詩

雙鳥海外來飛飛到中州一鳥落城市一鳥集巖幽不得相伴鳴兩
來三千秋兩鳥各閉口萬象銜口頭春風卷地起百鳥皆飄浮兩鳥
忽相逢百日鳴不休有耳聒皆聾有口反自羞百舌舊饒聲從此恒
低頭得病不呻喚泯默至死休雷公告天公百物須膏油自從兩鳥
鳴聒亂雷聲收鬼神怕嘲詠造化皆停留草木有微情挑抉示九州
蟲鼠誠微物不堪苦誅求不停兩鳥鳴百物皆生愁不停兩鳥鳴自
此無春秋不停兩鳥鳴日月難旋轉不停兩鳥鳴大法失九疇周公
不爲公孔丘不爲丘天公怪兩鳥各捉一處囚百蟲與百鳥然後鳴
啾啾兩鳥既別處閉聲省愆尤朝食千頭龍暮食千頭牛朝飲河生

塵暮飲海絕流還當三千秋更起鳴相酬

贈劉師服

羨君齒牙牢且潔大肉硬餅如刀截我今呀豁落者多所存十餘皆
兀脆匙抄爛飯穩送之合口軟嚼如牛嚼糞兒恐我生悵望盤中不
釘栗與梨祇今年纔四十五後日懸知漸莽齒朱顏紫頸訝莫親此
外諸餘誰更數憶昔太公仕進初口含兩齒無贏餘虞翻十三比豈
少遂自惋恨形於書丈夫命存百無害誰能檢點形骸外巨緡東釣
儻可期與子共飽鯨魚膾

題炭谷湫祠堂

萬生都陽明幽暗鬼所寢嗟龍獨何智出入人鬼間不知誰為助若
 孰造化關厭處平地水巢居插天山列峰若攢指石盂仰環環巨靈
 高其捧保此一掬慳森沉固含蓄本以儲陰姦魚鼈蒙擁護羣嬉傲
 天刑黜黜棲託禽飛飛一何閑祠堂像侔真擢玉紆煙鬢羣怪儼伺
 候恩威在其顏我來日正中悚惕思先還寄立尺寸地敢言來途艱
 吁無吹毛刃血此牛蹄殷至今乘水旱鼓舞寡與鰥林叢鎮冥冥窮
 年無由刪妍英雜豔實星瑣黃朱班石級皆險滑顛躋莫牽攀危區
 維衆碎付與宿已頒棄去可奈何吾其死茅菅

聽穎師彈琴

昵昵兒女語恩怨相爾汝劃然變軒昂勇士赴敵場浮雲柳絮無根
 蒂天地闊遠隨飛揚喧啾百鳥羣忽見孤鳳凰躡攀分寸不可上失
 勢一落千丈強嗟余有兩耳未省聽絲篁自聞穎師彈起坐在一旁
 推手遽止之濕衣淚滂滂穎乎爾誠能無以冰炭置我腸

送陸暢歸江南

舉舉江南子名以能詩聞一來取高第官佐東宮軍迎婦丞相府誇
 映秀士群鸞鳴桂樹閒觀者何續紛人事喜顛倒旦夕異所云蕭蕭
 青雲幹遂逐荆棘焚歲晚鴻鴈過鄉思見新文踐此秦關雪家彼英
 洲雲悲啼上車女骨肉不可分感槩都門別丈夫酒方醺我實門下

士力薄與蚊受恩不即報永負湘中墳

送進士劉師服東歸

猛虎落檻穿坐食如孤狔丈夫在富貴豈必守一門公心有勇氣公
口有直言奈何任埋沒不自求騰軒僕本亦進士頗嘗究根源由來
骨鯁材喜被軟弱吞低頭受侮笑隱忍碑兀寃泥雨城東路夏槐作
雲屯還家雖闕短指日親晨殮攜持令名歸自足貽家尊時節不可
翫親交可攀援勉來取金紫勿久休中園

嘲魯連子

魯連細而黠有似黃鵠子田巴兀老蒼憐汝矜爪齧開端要驚人雄

跨吾厭矣高拱禪鴻聲若輟一盃水獨稱唐虞賢顧未知之耳

贈張籍

吾老著讀書餘事不掛眼有兒雖甚憐教示不免簡君來好呼出跟
踰越門限懼其無所知見則先愧赧昨因有緣事上馬插手版留君
住廳食使立侍盤饌薄暮歸見君迎我笑而莞指渠相賀言此是萬
金產吾愛其風骨粹美無可揀試將詩義授如以肉貫弗開袪露毫
末自得高寒嶮我身蹈丘軻爵位不早縮固宜長有人文章紹編刻
感行君子德况若乘朽棧召令吐所記解摘了瑟憫顧視窻壁閒親
戚競覘鬻喜氣排寒冬逼耳鳴睨如今更誰恨便可耕灞澼

調張籍

李杜文章在光焰萬丈長不知羣兒愚那用故謗傷蚍蜉撼大樹可笑不自量伊我生其後舉頸遙相望夜夢多見之晝思反微茫徒觀斧鑿痕不矚治水航想當施手時巨刃磨天揚垠崖割崩豁乾坤擺雷礮惟此兩夫子家居率荒涼帝欲長吟哦故遣起且僵翦翎送籠中使看百鳥翔平生千萬篇金薤垂琳琅仙官勅六丁雷電下取將流落人間者太山一豪芒我願生兩翅捕逐出八荒精誠忽交通百怪入我腸刺手拔鯨牙舉瓢酌天漿騰身跨汗漫不著織女襄顧語地上友經營無太忙乞君飛霞珮與我高頡頏

盧郎中雲夫寄示送盤谷子詩兩章歌以和之

昔尋李愿向盤谷正見高崖巨壁爭開張是時新晴天井溢誰把長劍倚太行衝風吹破落天外飛雨白日灑洛陽東蹈燕川食曠野有饋木蕨芽滿筐馬頭溪滾不可厲借車載過水入箱平沙綠浪榜方口鴈鴨飛起穿垂楊窮探極覽頗恣橫物外日月本不忙歸來辛苦欲誰爲坐令再往之計墮眇芒閉門長安三日雪推書撲筆歌慨慷旁無壯士遣屬和遠憶盧老詩顛狂開緘忽覩送歸作字向紙上皆軒昂又知李侯竟不顧方冬獨入崔嵬藏我今進退幾時決十年蠶蠶隨朝行家請官供不報答無異雀鼠偷太倉行抽手版付丞相不

待彈劾還耕桑

寄皇甫湜

敲門驚書睡問報睦州吏手把一封書上有皇甫字坼書放牀頭涕
與淚垂四昏昏還就枕惘惘夢相值悲哉無奇術安得生兩翅

病中贈張十八

中虛得暴下避冷臥北窻不蹋曉鼓朝安眠聽逢逢籍也處閭里抱
能未施邦文章自娛戲金石日擊撞龍文百斛鼎筆力可獨扛談舌
久不掉非君亮誰雙扶几導之言曲節初縱縱半塗喜開鑿派別失
大江吾欲盈其氣不令見麾幢牛羊滿田野解旆束空杠傾罇與斟

酌四壁堆巽缸玄帷隔雪風照鑪釘明缸夜闌縱捭闔哆口疎眉厖
勢侔高陽翁坐約齊橫降連日挾所有形軀頓腴臍將歸乃徐謂子
言得無嗔迴軍與角逐斫樹收窮龐雌聲吐款嬰酒壺綴羊腔君乃
崑崙渠籍乃嶺頭瀧譬如蟻垤微詎可陵崆峒幸願終賜之斬拔枿
與椿從此識歸處東流水淙淙

雜詩

古史散左右詩書置後前豈殊蠹書蟲生死文字間古道自愚蠢古
言自包纏當今固殊古誰與為欣歡獨攜無言子共昇崑崙顛長風
飄襟裾遂起飛高圓下視禹九州一塵集豪端遨嬉未云幾下已億

萬年向者夸奪子萬墳厭其巔惜哉抱所見白黑未及分慷慨為悲
咤淚如九河翻指摘相告語雖還今誰親翩然大荒被髮騎騏驎

寄崔二十六立之

西城員外丞心跡兩屈奇往歲戰詞賦不將勢力隨下驢入省門左
右驚紛披傲兀坐試席滾叢見孤羅文如翻水成初不用意為四座
各低面不敢捩眼窺升階揖侍郎歸舍日未歆佳句喧眾口考官敢
瑕疵連年收科第若摘領底髭迴首卿相位通途無他岐豈論按書
郎袍笏光參差童稚見稱說祝身得如斯儕輩妬且熱喘如竹筒吹
老婦願嫁女約不論財貲老翁不量分累月咎其兒攪攪爭附託無

人角雄雌由來人間事翻覆不可知安有巢中鷲插翅飛天墜駒磨
著爪牙猛虎借與皮汝頭有韁繫汝脚有索縻陷身泥溝閒誰復稟
指撝不脫吏部選可見偶與奇又作朝士貶得非命所旅客居京城
中十日營一炊逼迫走巴蠻恩愛座上離昨來漢水頭始得完孤羈
桁掛新衣裳盜棄食殘糜苟無飢寒苦那用分高卑憐我還好古宦
途同險巖每旬遺我書竟歲無差池新篇奚其思風幡肆逶迤又論
諸毛功劈水看蛟螭雷電生睽睽角鬣相撐披屬我感窮景抱華不
能摘唱來和相報愧歎俾我疵又寄百尺綵緋紅相盛衰巧能喻其
誠深淺抽肝脾開展放我側方餐涕垂匙朋交日凋謝存者逐利移

子寧獨迷誤綴綴意益彌舉頭庭樹豁狂飈卷寒曦迢遞山水隔何
由應墳麓別來就十年君馬記駟驪長女當及事誰助出悅縞諸男
皆秀勛幾能守家規文字銳氣在輝輝見旌麾摧腸與感容能復持
酒卮我雖未蓋老髮禿骨力羸所餘十九齒颯颯盡浮危玄花著兩
眼視物隔襪襪燕席謝不詣游鞍懸莫騎敦敦凭書案譬彼鳥黏繭
且吾聞之師不以物自噉孤豚眠糞壤不慕太廟犧君看一時人幾
輩先騰馳過半黑頭死陰蟲食枯髓歡華不滿眼咎責塞兩儀觀名
計之利詎足相陪禪仁者恥貪冒受祿量所宜無能食國惠豈異哀
癯罷久欲辭謝去休令衆睢睢况又嬰疹疾寧保軀不貲不能前死

罷內實慙神祇舊籍在東都茅屋枳棘籬還歸非無指灞渭揚春漸
生兮耕吾疆死也埋吾陂文書自傳道不仗史筆垂夫子固吾黨新
恩釋銜羈去來伊洛上相待安眾箴我有雙飲觥其銀得朱提黃金
塗物象雕鐫妙工倕乃令千里鯨么麼微螽斯猶能爭明月擺掉出
渺瀰野草花葉細不辨蕢菜施絲絲相糾結狀似環城陣四隅芙蓉
樹擢豔皆猗猗鯨以興君身失所逢百罹月以喻夫道僂俛勵莫虧
草木明覆載妍醜齊榮萎願君恒御之行止雜燧觴異日期對舉當
如合分支

月蝕詩效玉川子作

元和庚寅斗插子月十四日三更中森森萬木夜僵立寒氣負巽頑
無風月形如白盤完上天東忽然有物來噉之不知是何蟲如何
至神物遭此狼狽凶星如撒沙出攢集爭強雄油燈不照席是夕吐
燄如長虹玉川子涕泗下中庭獨行念此日月者爲天之眼睛此猶
不自保吾道何由行嘗聞古老言疑是蝦蟇精徑圓千里納女腹何
處養女百醜形把沙脚手鈍誰使女解緣青冥黃帝有四目帝舜重
其明今天祇兩目何故許食使偏盲堯呼大水浸十日不惜萬國赤
子魚頭生女於此時若食日雖食八九無噉名赤龍黑鳥燒口熟翎
鬣倒側相搪撐婪酣大肚遭一飽飢腸徹死無由鳴後時食月罪當

死天羅磕巾何處逃女形玉川子立於庭而言曰地行賤臣全再拜
敢告上天公臣有一寸刃可剗凶蟇腸無梯可上天天階無由有臣
蹤寄牋東南風天門西北祈風通丁寧附耳莫漏洩薄命王值飛廉
慵東方青色龍牙角何呀呀從官百餘座嚙啜煩官家月蝕汝不知
安用爲龍窟天河赤鳥司南方尾秃翅觶沙月蝕於汝頭汝口開呀
呀蝦蟇掠汝兩吻過忍學省事不以汝觜啄蝦蟇於菟蹲於西旗旄
衛毳毼旣從白帝祠又食於禘禮有加忍令月被惡物食枉於汝口
插齒牙烏龜怯姦怕寒縮頸以殼自遮終令夸蛾抉女出卜師燒錐
鑽灼滿板如星羅此外內外官瑣細不足科臣請悉掃除慎勿許語

令啾譁併光全耀歸我月盲眼鏡淨無纖瑕弊蛙拘送主府官帝箸
 下腹嘗其嗜依前使兔操杵白玉階桂樹閑婆婆恒娥還宮室太陽
 有室家天雖高耳屬地感臣赤心使臣知意雖無明言潛喻厥旨有
 氣有形皆吾赤子雖忿大傷忍殺孩稚還女月明安行于次盡釋衆
 罪以蛙磔死

孟生詩

孟生江海士古貌又古心嘗讀古人書謂言古猶今作詩三百首睿
 默咸池音騎驢到京國欲和薰風琴豈識天子居九重鬱沉沉一門
 百夫守無籍不可尋晶光蕩相射旗戟翩以森遷延乍却走驚怪靡

自任舉頭看白日泣涕下霑襟竭來遊公卿莫肯低華簪諒非軒冕
 族應對多差參萍蓬風波急桑榆日月侵奈何從進士此路轉嶮嶽
 異質忌處羣孤芳難寄林誰憐松桂性競愛桃李陰朝悲辭樹葉夕
 感歸巢禽顧我多慷慨窮簷時見臨清宵靜相對髮白聆苦吟採蘭
 起幽念眇然望東南秦吳修且阻兩地無數金我論徐方牧好古天
 下欽竹實鳳所食德馨神所歆求觀衆丘小必上泰山岑求觀衆流
 細必泛滄溟濛子其聽我言可以當所箴既獲則思返無爲久滯淫
 卞和試一獻期子在秋砧

射訓狐

有鳥夜飛名訓狐矜凶挾狡誇自呼乘時陰黑止我屋聲勢慷慨非
 常羸安然大喚誰畏忌造作百怪非無須聚鬼徵妖自朋扇擺掉棋
 柄顏望塗慈母抱兒怕入席那暇更護雞窠雛我念乾坤德泰大卵
 此惡物常勤劬縱之豈即遽有害斗柄行挂西南隅誰謂停姦計尤
 劇意欲唐突羲和鳥侵更歷漏氣彌厲何由僥倖休須更咨余往射
 豈得已候女兩眼張睚眦梟驚墮梁蛇走竇一夫斬頸羣鷓枯

將歸贈孟東野房蜀客

君門不可入勢利互相推借問讀書客胡為在京師舉頭未能對閉
 眼聊自思倏忽十六年終朝苦寒飢宦途竟寥落鬢髮坐差池潁水

清且寂箕山坦而夷如今便當去咄咄無自疑

答孟郊

規模背時利文字覷天巧人皆餘酒肉子獨不得飽纔春思已亂始
 秋悲又攬朝餐動及午夜諷恒至卯名聲暫羶腥腸肚鎮煎爇古心
 雖自鞭世路終難拗弱拒喜張臂猛挈閑縮爪見倒誰肯扶從噴我
 須齧

從仕

居閑食不足從仕力難任兩事皆害性一生恒苦心黃昏歸私室惆
 悵起歎音棄置人間世古來非獨今

短燈檠歌

長檠八尺空自長短檠二尺便且光黃簾綠幕朱戶閉風露氣入秋
 堂涼裁衣寄遠淚眼暗搔頭頻挑移近牀太學儒生東魯客二十餘
 家來射策夜書細字綴語言兩目眊昏頭雪白此時提携當案前看
 書到曉那能眠一朝富貴還自恣長檠高張照珠翠吁嗟世事無不
 然牆角君看短檠棄

送劉師服

夏半陰氣始淅然雲景秋蟬聲入客耳驚起不可留草草具盤饌不
 待酒獻酬士生為名累有似魚中鉤齋財入市賣貴者恒難售豈不

畏顛顛為功忠中休勉哉耘其業以待歲晚收

昌黎先生全集卷第六

古詩

符讀書城南

木之就規矩在梓匠輪輿人之能為人由腹有詩書詩書勤乃有不
 勤腹空虛欲知學之力賢愚同一初由其不能學所入遂異閭兩家
 各生子提孩巧相如少長聚嬉戲不殊同隊魚年至十二三頭角稍
 相疎二十漸乖張清溝映汙渠三十骨骼成乃一龍一豬飛黃騰踏
 去不能顧蟾蜍一為馬前卒鞭背生蟲蛆一為公與相潭潭府中居
 問之何因爾學與不學歟金璧雖重寶費用難貯儲學問藏之身身

在則有餘君子與小人不繫父母且不見公與相起身自犁鋤不見
三公後寒飢出無驢文章豈不貴經訓乃蓄畜潢潦無根源朝滿夕
已除人不通古今馬牛而襟裾行身陷不義望多名譽時秋積雨
霽新涼入郊墟燈火稍可親簡編可卷舒豈不旦夕念為爾惜居諸
恩義有相奪作詩勸躊躇

示爽

宣城去京國里數逾三千念汝欲別我解裝具盤筵日昏不能散起
坐相引牽冬夜豈不長達旦燈燭然座中悉親故誰肯捨汝眠念汝
將一身西來曾幾年名科揜衆俊州考居吏前今從府公召府公又

時賢時輩千百人孰不謂汝妍汝來江南近里閭故依然昔日同戲
兒看汝立路邊人生但如此其實亦可憐吾老世味薄因循致留連
強顏班行內何實非罪愆才短難自力懼終莫洗湔臨分不汝誑有
路卽歸田

人日城南登高

初正候纔兆涉七氣已弄靄靄野浮陽暉暉水披凍聖朝身不廢佳
節古所用親交既許來子姝亦可從盤蔬冬春雜罇酒清濁共令徵
前事為觴詠新詩送扶杖凌圯陟刺船犯枯荷戀池羣鳴迴釋嶠孤
雲縱人生本坦蕩誰使妄倥偬直指桃李闌幽尋寧止重

病鴟

屋東惡水溝有鴟墮鳴悲青泥揜兩翅拍拍不得離羣童叫相召瓦礫爭先之計校生平事殺却理亦宜奪攘不愧恥飽滿盤天嬉晴日占光景高風送追隨遂凌紫鳳羣肯顧鴻鵠卑今若運命窮遭逢巧丸兒中汝要害處汝能不得施於吾乃何有不忍乘其危巧汝將死命浴以清水池朝餐輟魚肉暝宿防貆狸自知無以致蒙德久猶疑飽入浚竹叢飢來傍階基亮無責報心固以聽所爲昨日有氣力飛跳弄藩籬今晨忽徑去曾不報我知僥倖非汝福天衢汝休窺京城事彈射豎子豈易欺勿諱泥坑辱泥坑乃良規

華山女

街東街西講佛經撞鐘吹螺鬧宮庭廣張罪福資誘脅聽衆狎恰排浮萍黃衣道士亦講說座下寥落如明星華山女兒窳奉道欲驅異教歸仙靈洗糝拭面著冠帔白咽紅頰長眉青遂來昇座演真訣觀門不許人開扃不知誰人暗相報訇然振動如雷霆掃除衆寺人跡絕驩騶塞路連輜駟觀中人滿坐觀外後至無地無由聽抽釵脫釧解環佩堆金疊玉光青熒天門貴人傳詔召六宮願識師顏形玉皇領首許歸去乘龍駕鶴來青冥豪家少年豈知道來繞百市脚不停雲窻霧閣事恍惚重重翠幔深金屏仙梯難攀俗緣重浪憑青鳥通

丁寧

讀皇甫湜公安園池詩書其後

晉人目二子其猶吹一呖區區自其下顧肯挂牙舌春秋書王法不誅其人身爾雅注蟲魚定非磊落人湜也困公安不自閑窮年枉智思倚摭糞汙穢豈有臧誠不如兩忘但以一槩量我有一池水蒲葦生其閒蟲魚沸相嚼日夜不得閑我初往觀之其後益不觀觀之亂我意不如不觀完用將濟諸人捨得業孔顏百年詎幾時君子不可閑

路傍堠

堆堆路傍堠一雙復一隻迎我出秦關送我入楚澤千以高山遮萬以遠水隔吾君勤聽治照與日月敵臣愚幸可哀臣罪庶可釋何當迎送歸緣路高歷歷

食曲河驛

晨及曲河驛悽然自傷情羣鳥巢庭樹乳雀飛簷楹而我抱重罪子子萬里程親戚頓乖角圖史棄縱橫下負明義重上孤朝命榮殺身諒無補何用答生成

過南陽

南陽郭門外桑下麥青青行子去未已春鳩鳴不停秦商邈既遠湖

昌黎全集 卷六 下詩
海浩將經孰忍生以感吾其寄餘齡

瀧吏

南行逾六旬始下昌樂瀧險惡不可狀船石相舂撞往問瀧頭吏潮州尚幾里行當何時到土風復何似瀧吏垂手笑官何問之愚警官居京邑何由知東吳東吳遊宦鄉官知自有由潮州底處所有罪乃竄流儂幸無負犯何由到而知官今行自到那遽妄問爲不虞卒見困汗出愧且駭吏曰聊戲官儂嘗使往罷嶺南大抵同官去道苦遼下此三千里有州始名潮惡溪瘴毒聚雷電常洶洶鱷魚大於船牙眼怖殺儂州南數十里有海無天地颶風有時作掀簸真差事聖人

於天下於物無不容比聞此州囚亦有生還儂官無嫌此州固罪人所徙官當明時來事不待說委官不自謹慎宜卽引分往胡爲此水邊神色久懍慌瓶大餅嬰小所任自有宜官何不自量滿溢以取斯工農雖小人事業各有守不知官在朝有益國家不得無亂其閒不武亦不文仁義飾其躬巧姦敗羣倫叩頭謝吏言始慙今更羞歷官二十餘國恩竝未酬凡吏之所訶嗟實頗有之不卽金木誅敢不識恩私潮州雖云遠雖惡不可過於身實已多敢不持自賀

贈別元十八協律六首

知識久去眼吾行其旣遠膏膏莫訾省默默但寢飯子今何爲者冠

珮立憲憲何氏之從學蘭蕙已滿畹於何翫其光以至歲向晚治惟尚和同無俟於譽譽或師絕學賢不以藝自輓子今獨如何能自媚婉婉金石出聲音宮室發關鍵何人識章甫而知駿蹄蹠昔乎吾無居不得留息偃臨當背面時裁詩示繼繼

英英桂林伯實維文武特遠勞從事賢來弔逐臣色南裔多山海道里屢紆直風波無程期所憂動不測子行誠艱難我去未窮極臨別且何言有淚不可拭

吾友柳子厚其人藝且賢吾未識子時已覽贈子篇寤寐想風采於今已三年不意流竄路旬日同食眠所聞昔已多所得今過前如何

又須別使我抱悵悵

勢要情所重排斥則埃塵骨肉未免然又況四海人疑疑桂林伯矯矯義勇身生平所未識待我逾交親遺我數幅書繼以藥物珍藥物防瘴癘書勸養形神不知四罪地豈有再起辰窮途致感激肝膽還輪困

讀書患不多思義患不明患足已不學既學患不行子今四美具實大華亦榮王官不可闕未宜後諸生嗟我擯南海無由助飛鳴

寄書龍城守君驥何時秣峽山逢颶風雷電助撞碎天潮簸扶胥近岸指一髮兩巖雖云牢木石牙飛發屯門雖云高亦映波浪沒余罪

不足惜子生未宜忽胡為不忍別感謝情至骨

初南食貽元十八協律

醫實如惠文骨眼相負行蠓相黏為山百十各自生蒲魚尾如蛇口
眼不相營蛤即是蝦蟇同實浪異名章舉馬甲桂鬪以怪自呈其餘
數十種莫不可歎驚我來禦魑魅自宜味南烹請以鹹與酸芼以椒
與橙腥腥始發越咀吞面汗驛惟蛇舊所識實憚口眼惺開籠聽其
去鬱屈尚不平賣爾非我罪不屠豈非情不祈靈珠報幸無嫌怨并
聊歌以記之又以告同行

宿曾江口示姪孫湘二首

雲昏水奔流天水滂相圍三江滅無口其誰識涯圻暮宿投民村高
處水半扉犬雞俱上屋不復走與飛篙舟入其家暝聞屋中啼問知
歲常然哀此為生微海風吹寒晴波揚衆星輝仰視北斗高不知路
所歸
舟行亡故道屈曲高林閒林閒無所有奔流但潺潺嗟我亦拙謀致
身落南蠻茫然失所詣無路何能還

答柳州食蝦蟇

蝦蟇雖水居水特變形貌強號為蛙蛤於實無所投雖然兩股長其
奈脊被鮑跳躑雖云高意不離潭淖鳴聲相呼和無理祇取鬧周公

所不堪灑灰垂典教我奔愁海濱
 恒願眠不覺巨堪朋類多沸耳作
 驚暴端能敗笙磬仍工亂學技雖
 蒙句踐禮竟不聞報效大戰元鼎
 年孰強孰敗橈居然當鼎味豈不
 辱釣罩余初不下喉近亦能稍稍
 常懼染蠻夷失平生好樂而君復
 何為甘食比豢豹獵較務同俗全
 身斯為孝哀哉思慮深未見許迴
 權

別趙子

我遷於揭陽君先揭陽居揭陽去
 京華其里萬有餘不謂小郭中有
 子可與娛心平而行高兩通詩與
 書婆婆海水南鯢弄明月珠及我
 遷宜春意欲攜以俱擺頭笑且言
 我豈不足歟又奚為於北往來以

紛如海中諸山中幽子頗不無相
 期風濤觀已久不可渝又嘗疑龍
 鰕果誰雄牙鬚蚌贏魚鼈蟲豨置
 以狙狙識一已忘十大同細自殊
 欲一窮究之時歲屢謝除今子南
 且北豈非亦有圖人心未嘗同不
 可一理區宜各從所務未用相賢
 懸

除官赴闕至江州寄鄂岳李大夫

盆城去鄂渚風便一日耳不枉故
 人書無因帆江水故人辭禮闈旌
 節鎮江圻而我竄逐者龍鍾初得
 歸別來已三歲望望長迢遞咫尺
 不相聞平生那可計我齒落且盡
 君鬢白幾何年皆過半百來日苦
 無多少年樂新知衰暮思故友譬
 如親骨肉寧免相可不我昔實愚

意不能降色辭子犯亦有言臣猶自知之公其務貫過我亦請改事
桑榆儻可收願寄相思字

南山有高樹行贈李宗閔

南山有高樹花葉何衰衰上有鳳皇巢鳳皇乳且棲四旁多長枝羣
鳥所託依黃鵠據其高衆鳥接其卑不知何山鳥羽毛有光輝飛飛
擇所處正得衆所希上承鳳皇恩自期永不衰中與黃鵠羣不自隱
其私下視衆鳥羣汝徒竟何爲不知挾九子心默有所規彈汝枝葉
閒汝翅不覺摧或言由黃鵠黃鵠豈有之慎勿猜衆鳥衆鳥不足猜
無人語鳳皇汝屈安得知黃鵠得汝去婆娑弄毛衣前汝下視鳥各

議汝瑕疵汝豈無朋匹有口莫肯開汝落蒿艾閒幾時復能飛哀哀
故山友中夜思汝悲路遠翅翎短不得持汝歸

猛虎行

猛虎雖云惡亦各有匹儕羣行溪谷閒百獸望風低身食黃熊父子
食赤豹麝擇肉於熊豹肯視兔與狸正晝當谷眠眼有百步威自矜
無當對氣性縱以乖朝怒殺其子暮還食其妃匹儕四散走猛虎還
孤棲狐鳴門兩旁烏鵲從噪之出逐猴入居虎不知所歸誰云猛虎
惡中路正悲啼豹來銜其尾熊來攫其頤猛虎死不辭但慙前所爲
虎坐無助死況如汝細微故當結以信親當結以私親故且不保人

誰信汝為

昌黎先生全集卷第六

昌黎先生全集卷第七

古詩

雪後寄崔二十六丞公

藍田十月雪塞關我興南望愁羣山攢天鬼鬼凍相映君乃寄命於
 其閒秩卑俸薄食口衆豈有酒食開容顏殿前羣公賜食罷驛騶蹋
 路驕且閑稱多量少鑿裁密豈念幽桂遺榛菅幾欲犯嚴出薦口氣
 象碑兀未可攀歸來殞涕揜關臥心之紛亂誰能刪詩翁憔悴斷荒
 棘清玉刻佩聯玦環腦脂遮眼臥壯士大弨挂壁無由彎乾坤惠施
 萬物遂獨於數子懷偏慳朝歛暮惜不可解我心亦得加石頑

送僧澄觀

浮屠西來何施為擾擾四海爭奔馳構樓架閣切星漢誇雄鬪豈止
 者誰僧伽後出淮泗上勢到眾佛尤恢奇越商胡賈脫身罪珪璧滿
 船寧計資清淮無波平如席欄柱傾扶半天赤火燒水轉掃地空突
 兀便高三百尺影沉潭底龍驚遁當晝無雲跨虛碧借問經營本何
 人道入澄觀名籍籍愈昔從軍大梁下往來滿屋賢豪者皆言澄觀
 雖僧徒公才吏用當今無後從徐州辟書至紛紛過客何由記人言
 澄觀乃詩人一座競吟詩句新向風長歎不可見我欲收斂加冠巾
 洛陽窮秋厭窮獨丁丁啄門疑啄木有僧訪呼使前伏犀插腦高

頰權惜哉已老無所及坐睨神骨空潸然臨淮太守初到郡遠遣州
 民送音問好奇賞俊直難逢去去為致思從容

山南鄭相公樊員外酬答為詩其末咸有見及語樊封以示

愈依賦十四韻以獻

梁維西南屏山厲水刻屈稟生肖勦剛難諧在民物榮公鼎軸老烹
 幹力健偃帝咨女予往牙纛前空埽威風挾惠氣蓋壤兩劇拂茫漫
 華黑閒指畫變悅歛誠既富而美章彙霍炳蔚日延講大訓龜判錯
 袞黻樊子坐賓署演孔刮老佛金春撼玉應厥臭劇蕙鬱遺我一言
 重跽受惕齋慄辭慳義卓濶呀豁疚掎掘如新去耽睥雷霆逼颺颺

綴此豈為訓俚言紹莊屈

奉和武相公鎮蜀時詠使宅韋太尉所養孔雀

穆穆鸞鳳友何年來止茲飄零失故態隔絕抱長思翠角高獨聳金華煥相差坐蒙恩願重畢命守階墀

感春三首

偶坐藤樹下暮春下旬閒藤陰已可庇落藥還漫漫臺臺新葉大瓏瓏晚花乾青天高寥寥兩蝶飛翻翻時節適當爾懷悲自無端黃黃蕪菁花桃李事已退狂風簸枯榆狼藉九衢內春序一如此汝顏安足賴誰能駕飛車相從觀海外

晨遊百花林朱朱兼白白柳枝弱而細懸樹垂百尺左右

紫貴顯劇嬌童為我歌哀響跨箏笛艷姬蹋筵舞清眸刺劍

平主友莫一在燕席死者長眇芒生者困乖隔少年真可喜老

無益

早赴街西行香贈盧李二中舍人

天街東西異祇命遂成游月明御溝曉蟬吟堤樹秋老僧情不薄僧寺境還幽寂寥二三子歸騎得相收

晚寄張十八助教周郎博士

日薄風景曠出歸偃前簷晴雲如擘絮新月似磨鎌田野興偶動衣

冠情久厭吾生可攜手歎息歲將淹

題張十八所居

君居泥溝上荒蕪萍清清哇謹橋未掃蟬嚙門長扁名秩後千品詩
文齊六經端來問奇字爲我講聲形

奉酬盧給事雲夫四兄曲江荷花行見寄并呈上錢七兄閣

老張十八助教

曲江千頃秋波淨平鋪紅雲蓋明鏡大明宮中給事歸走馬來看立
不正遺我明珠九十六寒光映骨睡驪目我今官閑得婆娑問言何
處芙蓉多櫂舟昆明度雲錦脚敲兩舷叫吳歌太白山高三百里負

雪鬼鬼插花裏玉山前却不復來曲江汀滢水平盃我時相思不覺
一迴首天門九扇相當開上界真人足官府豈如燕仙鞭笞鸞鳳終
日相追陪

奉和錢七兄曹長盆池所植

翻翻江浦荷而今生在此擢擢菰葉長芳根復誰徙露涵兩鮮翠風
蕩相磨倚但取主人知誰言益益是

記夢

夜夢神官與我言羅縷道妙角與根挈攜阪維口瀾翻百二十刻須
臾聞我聽其言未云足捨我先度橫山腹我徒三人共追之一人前

度安不危我亦平行蹋翫神完骨躄脚不掉側身上視溪谷盲杖
 撞玉版聲彭觥神官見我開顏笑前對一人壯非少石壇坡陀可坐
 臥我手承頰肘挂座降樓傑閣磊嵬高天風飄飄吹我過壯非少者
 哦七言六字常一字誰我以指撮白玉丹行且咀嚙行詰盤口前
 截斷第二句綽虛顧我頰不歡乃知仙人未賢聖護短憑愚邀我敬
 我能屈曲自世間安能從女巢神仙

南內朝賀歸呈同官

薄雲蔽秋曦清雨不成泥罷賀南內衙歸涼曉淒淒綠槐
 散馳輪蹄余惟憊書一孤身無所齋三黜竟不去致官九

一身榮珮玉冠簪犀混蕩天門高著籍朝厥妻文才不如人行又無
 町畦問之朝廷事略不知東西况於經籍深豈究端與倪君恩太山
 重不見酬稗稊所職事無多又不自提撕明庭集孔鸞曷取於鳧鷖
 樹以松與栢不宜閒蒿藜婉孌自媚好幾時不見擠貪食以忘軀抄
 不調鹽醢法吏多少年磨淬出角圭將舉汝愆尤以為已階梯收身
 歸關東期不到死迷

朝歸

峨峨進賢冠耿耿水蒼珮服章豈不好不與德相對顧影聽其聲頰
 頰汗漸背進乏犬雞效又不勇自退坐食取其肥無堪等龔曠長風

吹天墟秋日萬里曠抵暮但昏眠不成歌慷慨

雜詩四首

朝蠅不須驅暮蚊不可拍蠅蚊滿八區可盡與相格得時能幾時與
汝恣啖咋涼風九月到掃不見蹤跡

鵲鳴聲楂楂烏噪聲搜搜爭鬪庭宇閒持身博彈射黃鵠能忍飢兩
翅久不墜蒼蒼雲海路歲晚將無獲

截檠爲構櫺斷楹以爲椽束蒿以代之小大不相權雖無風雨災得
不覆且顛解轡棄騏驥蹇驢鞭使前崑崙高萬里歲盡道苦遭停車
臥輪下絕意於神仙

雀鳴朝營食鳩鳴暮覓羣獨有知時鶴雖鳴不緣身暗蟬終不鳴有
抱不列陳蛙黽鳴無謂閣閣祗亂人

讀東方朔雜事

嚴嚴王母宮下維萬仙家噫欠爲飄風濯手大雨沱方朔乃豎子驕
不加禁訶偷入雷電室鞦韆掉狂車王母聞以笑衛官助呀呀不知
萬萬人生身埋泥沙斃頓五山踣流漂八維蹉曰吾兒可憎奈此狡
獪何方朔聞不喜褫身絡蛟蛇瞻相北斗柄兩手自相接羣仙急乃
言百犯庸不料向觀睥睨處事在不可赦欲不布露言外口實謹謹
王母不得已頰頰口齋嗟頷頭可其奏送以紫玉珂方朔不大創挾

恩更矜誇詆欺劉天子正畫溺殿衙一旦不辭訣攝身凌蒼霞

謹瘧鬼

屑屑水帝魂謝謝無餘輝如何不肖子尚奮瘧鬼威乘秋作寒熱翁
嫗所罵譏求食歐泄閒不知臭穢非醫師加百毒熏灌無停機灸師
施艾炷酷若獵火圍詛師毒口牙舌作霹靂飛符師弄刀筆丹墨交
橫揮咨汝之胄出門戶何巍巍祖軒而父頊未沫於前徽不修其操
行賤薄似汝稀豈不忝厥祖颯然不知歸湛湛江水清歸居安汝妃
清皮為裳衣白石為門畿呼吸明月光手掉芙蓉旂降集隨九歌飲
芳而食菲贈汝以好辭出汝去莫違

示兒

始我來京師止攜一束書辛勤三十年以有此屋廬此屋豈為華於
我自有餘中堂高且新四時登牢蔬前榮饌賓親冠婚之所於庭內
無所有高樹八九株有藤婁絡之春華夏陰敷東堂坐見山雲風相
吹噓松果連南亭外有瓜芋區西偏屋不多槐榆翳空虛山鳥旦夕
鳴有類澗谷居主婦治北堂膳服適戚疎恩封高平君子孫從朝裾
開門問誰來無非卿大夫不知官高甲玉帶懸金魚問客之所為義
冠講唐虞酒食罷無為棊槊以相娛凡此座中人十九持鈞樞又問
誰與頻莫與張樊如來過亦無事考評道精麤蹉蹉媚學子牆屏日

有徒以能問不能其蔽豈可祛嗟我不修飾事與庸人俱安能坐如此比肩於朝儒詩以示兒曹其無迷厥初

庭楸

庭楸止五株共生十步間各有藤繞之上各相鉤聯下葉各垂地樹顛各雲連朝日出其東我常坐西偏夕日在其西我常坐東邊當晝日在上我在中央閒仰視何青青上不見織穿朝暮無日時我且八九旋濯濯晨露香明珠何聯聯夜月來照之舊舊自生烟我已自頑鈍重遭五楸牽客來尚不見肯到權門前權門眾所趨有客動百千九牛亡一毛未在多少閒往既無可顧不往自可憐

翫月喜張十八員外以王六秘書至

前夕雖十五月長未滿規君來晤我時風露渺無涯浮雲散白石天宇開青池孤質不自憚中天為君施翫翫夜遂久亭亭曙將披况當今夕圓又以嘉客隨惜無酒食樂但用歌嘲為

和李相公攝事南郊覽物興懷呈一二知舊

燦燦辰角曙亭亭寒露乾川原共澄映雲日還浮飄上宰嚴祀事清途振華鑣圓丘峻且坦前對南山標村樹黃復綠中田稼何饒顧瞻想巖谷興歎倦塵鬢惟彼顛瞑者去公豈不遼為仁朝自治用靜兵以銷勿憚吐捉勤可歌風雨調聖賢相遇少功德今宣昭

和裴僕射相公假山十一韻

山字真愛山看山且連夕猶嫌山在眼不得著脚歷在語山中人句
 我湖側石有來應公須歸必載金帛當軒乍駢羅隨勢忽開圻有洞
 若神刻有巖類天劃終朝巖洞間歌鼓燕賓戚孰謂衡霍期近在王
 侯宅傅氏築已卑磻溪釣何激逍遙功德下不與事相撫樂我盛明
 朝於焉傲今昔

與張十八同效阮步兵一日復一夕

一日復一日一朝復一朝祗見有不如不見有所超食作前日味事
 作前日調不知久不死憫憫尚誰要富貴自繫拘貧賤亦煎焦俯仰
 未得所一世已解鑣譬如籠中鶴六翮無所搖譬如兔得蹄安用東
 西跳還看古人書復舉前人瓢未知所究竟且作新詩謠

送諸葛覺往隨州讀書

鄴侯家多書插架三萬軸一一懸牙籤新若手未觸為人強記覽過
 眼不再讀偉哉羣聖文磊落載其腹行年餘五十出守數已六京邑
 有舊廬不容久食宿臺閣多官員無地寄一足我雖官在朝氣勢日
 局縮屢為丞相言雖懇不見錄送行過漣水東望不轉目今子從之
 游學問得所欲入海觀龍魚矯翮逐黃鵠勉為新詩章月寄三四幅

南溪始泛三首

榜舟南山下上上不得返幽事隨去多孰能量近遠陰沉過連樹藏
昂抵橫坂石巖肆磨礪波惡厭牽挽或倚偏岸漁竟就平洲飯點點
暮雨飄梢梢新月偃餘年懷無幾休日愴已晚自是病使然非由取
高蹇

南溪亦清駛而無楫與舟山農驚見之隨我觀不休不惟兒童輩或
有杖白頭饋我籠中瓜勸我此淹留我云以病歸此已頗自由幸有
用餘俸置居在西疇困倉米穀滿未有旦夕憂上去無得得下來亦
悠悠但恐煩里閭時有緩急投願爲同社人雞豚燕春秋
足弱不能步自宜收朝蹟羸形與可致佳觀安可擲卽此南坂下久

聞有水石抱舟入其間溪流正清激隨波吾未能峻瀨乍可刺鷺起
若導吾前飛數十尺亭亭柳帶沙團團松冠壁歸時還盡夜誰謂非
事役

昌黎先生全集卷第七

昌黎先生全集卷第八

聯句

城南聯句

竹影金瓊碎郊 泉音玉淙瑋 瑠璃翦木葉愈 翡翠開園英 流滑隨仄

步郊 搜尋得溪行 遙岑出寸碧愈 遠目增雙明 乾綵紛拄地郊 化蟲

枯榻莖木腐 或垂耳愈 草珠競駢晴 浮虛有新斲郊 摧抗饒孤撐 囚

飛黏網動愈 盜啖接彈驚 脫實自開坼郊 牽柔誰繞縈 禮鼠拱而立

愈駭牛躅且鳴 蔬甲喜臨社郊 田毛樂寬征 露螢不自暖愈 凍蝶尚

思輕宿羽有先曉郊 食鱗時半橫 菱翻紫角利愈 荷折碧圓傾 楚膩

鱸鮓亂郊 獠羞螺蚌并桑螿見虛指愈 穴狸聞鬪擗逗翳翅相築郊
擺幽尾交榜蔓涎角出縮愈 樹啄頭敲鏗修箭裏金餌郊 羣鮮沸池
羹岸殼圻玄兆愈 野甦漸豐萌密煙羃疏島郊 沙篆印迴平瘁肌遭
蛇刺愈 啾耳聞雞生奇慮恣迴轉郊 遐睎縱逢迎巔林戢遠睫愈 縹
氣夷空情歸跡歸不得郊 捨心捨還爭靈麻撮狗蝨愈 村稚啼禽猩
紅皺曬檐瓦郊 黃團繫門衡得雋蠅虎健愈 相殘雀豹趨束枯樵指
秃郊 刈熟擔肩頰澁旋皮卷鬢愈 苦開腹彭亨機春潺湲力郊 吹皺
飄飄精賽饌木盤簇愈 靛妖藤索紉荒學五六卷郊 古藏四三瑩里
儒拳足拜愈 土怪閃眸偵蹄道補復破郊 絲窠掃還成暮堂蝙蝠沸

愈破竈伊威盈追此訊前主郊 答云皆冢卿敗壁剝寒月愈 折篁嘯
遺笙往熏霏霏在郊 綦跡微微呈劔石猶竦檻愈 獸材尚挈楹寶唾
拾未盡郊 玉帝墮猶鎗牕綃疑闕豔愈 糝燭已銷紫綠髮抽珉鬚青
膚聳瑤楨白蛾飛舞地愈 幽蠹落書棚惟昔集嘉詠郊 吐芳類鳴嚶
窺奇摘海異愈 恣韻激天鯨腸胃繞萬象郊 精神驅五兵蜀雄李杜
拔愈 嶽力雷車轟大句幹玄造郊 高言軋霄崢芒端轉寒燠愈 神助
溢盃觥巨細各乘運愈 湍潤亦騰聲凌花咀粉藥郊 削縷穿珠櫻綺
語洗晴雪愈 嬌辭咲雛鷺酣歡雜弁珥郊 繁價流金瓊苗苗寫江調
郊 菱蕤綴藍瑛庖霜膾玄鯽愈 浙玉炊香粳朝饌已百態郊 春醪又

千名哀匏蹙駛景愈冽唱凝餘晶解魄不自主郊痺肌坐空惝扳援
 賤蹊絕愈炫曜仙選更蕪巧競採笑郊駢鮮互探嬰柔變忽蕪蔓愈
 樟裁浪登丁霞鬪詎能極郊風期誰復賡臯區扶帝壤愈瓌蘊郁天
 京祥色被文彥郊良才插杉榿隱伏饒氣象愈興潛示堆坑擊華露
 神物郊擁終儲地禎訐謨壯締始愈輔弼登階清坐秀恣填塞郊呀
 靈瀟渟澄益大聯漢魏愈肇初邁周贏積照涵德鏡郊傳經儷金籟
 食家行鼎鼐愈寵族飫弓旌弈制盡從賜郊殊私得逾程飛橋上架
 漢愈繚岸俯規瀛瀟碧遠輸委郊湖嵌費攜擎葡萄首從大漠愈楓櫛
 至南荆嘉植鮮危朽郊膏理易滋榮懸長巧紐翠愈象曲善攢珩魚

口星浮沒郊馬毛錦斑駢五方亂風土愈百種分鉏耕葩藥相妬出
 郊非茸共舒晴類招臻侷詭愈翼萃伏衿纓危望跨飛動郊冥升躡
 登閱春游轢霍靡愈彩伴颯娉嫫遺燦飄的爍郊淑顏洞精誠嬌應
 如在寤愈頰意若合醒鷄毳翔衣帶郊鵝肪截佩璜文昇相照灼愈
 武勝屠攬捨割錦不酬價郊構雲有高營通波物鱗介愈疏腕富蕭
 衡買養馴孔翠郊遠苞樹蕉枿鴻頭排刺芡愈鵠鷓攢瓌橙鴛廣雜
 良牧郊蒙休賴先盟罷旄奉環衛愈守封踐忠貞戰服脫明介郊朝
 冠飄彩紘爵勳逮僮隸愈簪笏自懷繡乳下秀嶷嶷郊椒蕃泣嗶嗶
 貌鑑清溢匣愈眸光寒發硯館儒養經史郊綴戚觴孫甥考鍾饋肴

核愈 鼓脩牢牲飛騰自北下 郊 函珍極東京如瓜煮大卵 愈 比線
 茹芳菁海嶽錯口腹 郊 趙燕錫媼姪一笑釋仇恨 愈 百金交弟兄貨
 至貂戎市 郊 呼傳鸚鵡令順居無鬼瞰 愈 抑橫免官評殺候肆凌翦
 郊 籠原市置絃羽空顛雉鷄 愈 血路迸狐麋折足去蹠踔 郊 蹙鬢怒
 鬚鬢躍犬疾翥鳥 愈 呀鷹甚飢虫筭蹄記功賞 郊 裂腦擒控振猛斃
 牛馬樂 愈 妖殘梟鶴惇窟窮尚嗔視 郊 箭出方驚抨連箱載已寶 愈
 礙轍棄仍羸喘覷鋒刃點 郊 困衝株杙盲掃淨豁曠曠 愈 騁遙略萃
 萃甕扱飽活嚮 郊 惡嚼啣腥鯖歲律及郊至 愈 古音命韶諛旗旆流
 日月 郊 帳廬扶棟蕘磊落奠鴻璧 愈 參差席香蕘玄祇社兆姓 郊 黑

拒饑豐盛慶流蠲瘡癘 愈 威暢捐輶朝靈燔望高岡 郊 龍駕聞敲鼙
 是惟禮之盛 愈 永用表其宏德孕厚生植 郊 恩熙完刑剝宅土盡華
 族 愈 運田閒強吐蔭庾森嶺檜 郊 啄場翹祥鳴哇肥翦韭薤 愈 陶固
 收盆翼利養積餘健 郊 孝思事嚴妨掘雲破帶嶮 愈 採月漉坳泓寺
 砌上明鏡 郊 僧盃敲曉鉦泥像對騁怪 愈 鐵鐘孤舂鎗瘦頸開鳩鴿
 郊 蜿垣亂蛛蝶甚黑老蠶蠟 愈 麥黃韻鸚鵡韶曙遲勝賞 郊 賢朋戒
 先庚馳門填偏仄 愈 競墅輾砵碎碎纈紅滿杏 郊 稠凝碧浮錫賊繩
 觀娥婺 愈 鬪草頰幾瑩粉汗澤廣額 郊 金星墮連瓔鼻偷困淑郁 愈
 眼剝強眈眈是節飽顏色 郊 茲疆稱都城書饒罄魚繭 愈 紀盛播琴

昌黎全集 卷八 取旨 四 示懷堂
箏奚必事遠覲郊無端逐驕僮將身親魍魅愈浮跡侶鷗鵲腥味空
奠屈郊天年徒羨彭驚魂見蛇蚓愈觸嗅值蝦蟇幸得履中氣郊忝
從拂天棖歸私暫休暇愈驅明出庠鬻鮮意疎輕暢郊連輝照瓊瑩
陶暄逐風乙愈躍視舞晴蜻足勝自多詣郊心貪敵無効始知樂名
教愈何用苦拘倥畢景任詩趣郊焉能守磳磳愈

會合聯句

離別言無期會合意彌重籍病添兒女戀老喪丈夫勇愈劍心知未
死詩思猶孤聳郊愁去劇箭飛謹來若泉涌微析言多新貫攄抱無
昔壅籍念難須勤追悔易勿籍踵愈吟巴山犖嶮說楚波堆壘郊馬

辭虎豹怒舟出蛟鼉恐微狂鯨時孤軒幽狄雜百種愈瘴衣常腥膩
蠻器多踈冗籍剝苔弔斑林角飯餌沉塚愈忽爾銜遠命歸歟舞新
寵郊鬼窟脫幽妖天居覲清棋愈京遊步方振摘夢意猶恂籍詩書
誇舊知酒食接新奉愈嘉言寫清越痾病失臃腫郊夏陰偶高庇宵
魂接虛擁愈雪絃寂寂聽茗盃織織捧郊馳輝燭浮螢幽響泄潛蚤
愈詩老獨何心江疾有餘虺郊我家本瀝穀有地介臯鞏休跡憶沈
冥峨冠慙鬪罅愈升朝高轡逸振物羣聽悚徒言濯幽泌誰與薤荒
茸籍朝紳鬱青綠馬飾曜珪琪國雉未銷鑠我志蕩邛隴郊君才誠
侷儻時論方洵溶格言多彪蔚懸解無桎萃張生得淵源寒色拔山

昌黎全集 卷八 取旨 四 示懷堂

家壁如撞羣金眇若抽獨蛹愈伊余何所擬跛鼈詎能踊塊然墮岳
石飄爾胃巢託郊龍旆垂天衛雲韶凝禁甫君胡眠安然朝鼓聲洵
洵愈

鬪雞聯句

大雞昂然來小雞竦而待愈崢嶸顛盛氣洗刷凝鮮彩郊高行若矜
豪側睨如何殆愈精光目相射劔戟心獨在郊既取冠為冑復以距
為鏃天時得清寒地利挾爽塏愈磔毛各噤痒怒癭爭硯磊俄鷹忽
爾低植立瞥而改郊膈膊戰聲喧續翻落羽矚中休事未決小挫勢
益倍愈妬腸務生敵賊性專相醢裂血失鳴聲啄殷甚飢餒郊對起

何急驚隨旋誠巧給毒手飽李陽神槌困朱亥愈惻心我以仁碎首
爾何罪獨勝事有然旁驚汗流浹郊知雄欣動顏怯負愁看賄爭觀
雲填道助叫波翻海愈事爪深難解噴睛時未息一噴一醒然再接
再礪乃郊頭垂碎丹砂翼搦拖錦絲連軒尚賈餘清厲比歸凱愈選
俊感收毛受恩慙始隗英心甘鬪死義肉恥庖宰君看鬪雞篇短韻
有可採郊

納涼聯句

遞嘯取遙風微微近秋朔郊金柔氣尚低火老候愈濁愈熙熙炎光
流竦竦高雲擢愈閃紅驚虬虬凝赤聳山嶽目林恐焚燒耳井憶灑

鬱仰懼失交泰非時結冰雹化鄧渴且多奔河誠已慙嗚道者誰子
叩商者何樂洗矣得滂沱感然鳴鸞驚嘉願苟未從前心空緬邈清
砌千迴坐冷環再三握煩懷却星星高意還卓卓郊龍沈劇煮鱗牛
喘甚焚角蟬煩鳴轉喝烏躁飢不啄晝蠅食案繁宵蚋肌血渥單絺
厭已褫長篔倦還捉幸茲得佳朋於此蔭華桷青熒文簞施淡漱甘
瓜濯大壁曠凝淨古畫奇駁犖凄如狃寒門皓若攢玉璞掃寬延鮮
飈汲冷漬香稱篚實摘林珍盤肴饋禽蔽空堂喜淹留貧饌羞齷齪
愈殷勤相勸勉左右加礪斲賈勇發霜刃爭前曜冰槩微然草根響
先被詩情覺感衰悲舊改工異逞新兒誰言損朋老猶自將心學危

簷不敢憑朽机懼傾撲青雲路難近黃鶴足仍鉅未能飲淵泉立滯
叫芳葯郊與子昔睽離嗟余苦也剝直道敗邪徑拙謀傷巧詠炎湖
度氛氳熱石行犖硃瘡飢夏尤甚瘡渴秋更數君顏不可覲君手無
由搦今來沐新恩庶見返鴻朴儒庠恣游息聖籍飽商摧危行無低
徊正言免咿喔車馬獲同驅酒醪欣共軟惟憂棄菅蒯敢望侍帷幄
此志且何如希君爲追琢愈

秋雨聯句

萬木聲號呼百川氣交會郊庭翻樹離合牖變景明藹愈深瀉殊未
終飛浮亦云泰郊牽懷到空山屬聽邇驚瀨愈簷垂白練直渠漲清

湘大郊甘津澤祥禾伏潤肥荒艾愈主人吟有歡客子歌無奈郊侵
陽日沈玄剝節風搜兌愈塊北遊峽喧颺颺臥江汰郊微飄來枕前
高灑自天外愈恭穴何迫迨蟬枝掃鳴噦郊援菊茂新芳逕蘭銷晚
稿愈地鏡時昏曉池星競漂沛郊謹叟尋一聲灌注咽羣籟愈儒官
烟火濕市舍煎熬忤郊臥冷空避門衣寒屢循帶愈水怒已倒流陰
繁恐凝害郊憂魚思舟楫感禹勤吠澮愈懷襄信可畏疏決須有賴
郊筮命或馮著卜晴將問蔡愈庭商忽驚舞墉榮亦親醉郊氛醜稍
踈映雪亂還擁蒼陰旌時摻流帝鼓鎮旬磕棄圃落青瓊瓜哇爛文
貝貧薪不燭竈富粟空填膾愈秦俗動言利魯儒欲何巧深路倒羸

驂弱途擁行軼毛羽皆遭凍離徒不能颺翻浪洗虛空傾濤敗藏蓋
郊吾人猶在陳僮僕誠自鄙因思征蜀士未免濕戎旆安得發商颺
廓然吹宿靄白日懸大野幽泥化輕葢戰場誓一乾賊肉行可膾愈
搜心思有效抽策期稱最豈惟慮收穫亦已救顛沛郊禽情初嘯
礎色微收霈庶幾諸我願遂止無已太愈

征蜀聯句

日王忿違傲有命事誅拔蜀險豁關防秦師縱橫猾愈風旗市地揚
雷鼓轟天殺竹兵彼皴脆鐵刃我鎗齧郊刑神咤犖旄陰燄颺犀札
翻霓紛偃蹇塞野頽塊北愈生獍競掣跌癡突爭填軋渴鬪信兀叟

噉姦何噢嚼郊更呼相斲蕩交斫雙鬪鬻火發激鏗腥血漂騰足滑

愈飛猱無整陣翩鵲有邪戛江倒沸鯨鯤山搖潰獯契郊中離分二

三外變迷七八逆頸盡徽索仇頭恚髡怒鬚猶舉鬘斷臂仍瓢詖

愈石潛設奇伏穴覩騁精察中矢類妖慘跳鋒狀驚豹蹋翻聚林嶺

斗起成埃坵郊施亡多空杠軸折鮮聯轄剝膚浹瘡痍敗面碎剝刮

渾奔肆狂勦捷竄脫趨點巖鈎踔狙猿水漉雜鱸蝟投奔鬧礮礪填

隍威僂偈愈強睛死不閉獷眼困逾恥焚堞煇歆瘧抉門呀拗闖天

刀封未坼齒膽懾前握跽梁排郁縮闖竇楔窟竄迫脅聞雜驅咿呦

叫窕既郊窮區指清夷兇部坐雕鍛叩文裁斐齷巴豔收娼媵摧肥

牛呼牟載實駝鳴圖聖靈閔頑噉燾養均草蔡下書遏雄號解罪弔

孿瞎愈戰恤時銷洗劔霜夜清刮漢棧罷囂闐獠江息澎汜戍寒絕

朝乘刁暗歇宵登始去杏飛蜂及歸柳嘶蜚廟獻繁馘級樂聲洞控

揭郊臺圖煥丹玄郊告儼匏稽念齒慰徽薰視傷悼癩疵休輸任訛

寢報力厚麩枯公歡鐘晨撞室宴絲曉拏孟孟酬酒醪箱篋饋巾帙

小臣昧戎經維用贊勲劫愈

同宿聯句

自從別君來遠出遭巧讚愈斑斑落春淚浩浩浮秋浸郊毛奇觀象

犀羽怪見鵬鳩愈朝行多危棧夜臥饒驚枕郊生榮今分踰死棄昔

情任愈鷓行參綺陌雞唱聞清禁郊山晴指高標槐密驚長蔭愈直
 辭一以薦巧舌千皆吟郊匡鼎惟說詩宿譚不讀識愈逸韻何嘈嗽
 高名俟沽貨郊紛葩歡屢填曠朗憂早滲愈為元開酒腸顛倒舞相
 飲郊曦光霽曙物景曜鑠宵稜愈儒門雖大啓姦首不敢闢義泉雖
 至近盜索不敢沁清琴試一揮白鶴叫相暗欲知心同樂雙繭抽作
 絳郊

莎柵聯句

冰溪時咽絕風櫪方軒舉愈此處不斷腸定知無斷處郊
 雨中寄孟刑部幾道聯句

秋潦淹轍迹高居限參拜愈耿耿蓄良思遙遙仰嘉話郊一晨長隔
 歲百步遠殊界愈商聽饒清聳悶懷空扣噫郊美君知道腴逸步謝
 天械愈吟馨鑠紛雜抱照瑩疑怪郊撞宏聲不掉輪邈瀾逾殺愈簷
 瀉碎江喧街流淺溪邁郊念初相遭逢幸免因媒介祛煩類決癰愜
 興劇爬疥研文較幽玄呼博騁雄快今君輶方馳伊我羽已鍛温存
 感深惠琢切奉明誠愈迨茲更凝情暫阻若嬰瘵欲知相從盡靈珀
 拾纖芥欲知相益多神藥銷宿憊德符仙山岸永立難敵壞氣涵秋
 天河有朗無驚泮郊祥鳳遺蒿鷄雲韶掩夷韎爭名求鵠徒騰口甚
 蟬鳴未來聲已赫始鼓敵前敗鬪場再鳴先遐路一飛屆東野繼奇

獨修綸懸衆牒穿空細丘垤照日陋管蒯愈小生何足道積慎如解
葛惜情抱所諾翼翼自申戒聖書空勸讀盜食敢求嘍惟當騎款疑
豈望覲珪玠弱操愧筠杉微芳比蕭薤何以驗高明桑中有剛夫郊

遠遊聯句

別腸車輪轉一日一萬周郊離思春冰泮瀾漫不可收愈馳光忽以
迫飛轡誰能留郊取之詎灼灼此夫信悠悠朝楚客宿江上夜魂棲
浪頭曉日生遠岸水芳綴孤舟村飲泊好木野蔬拾新柔獨舍悽悽
別中結鬱鬱愁人憶舊行樂鳥吟新得儔郊靈瑟時宵窅露猿夜啾
啾憤濤氣尚盛恨竹淚空幽長懷絕無已多感良自尤卽路涉獻歲

歸期眇涼秋兩歡日牢落孤悲坐綢繆愈觀怪忽蕩漾叩奇獨冥搜
海鯨吞明月浪島沒大漚我有一寸鉤欲釣千丈流良知忽然遠壯
志鬱無抽郊翹翹暫出沒蛟螭互蟠繆昌言拜舜禹舉颯凌斗牛懷
糈醜賢屈乘桴追聖丘飄然天外步豈肯區中囚愈楚些待誰弔賈
辭緘恨投翳明弗可曉秘魂安所求氣毒放逐域蓼雜芳菲疇當春
忽淒涼不枯亦颯颯貉謠衆猥欵巴語相啾啾郊誓去外俗嘉願還
中州江生行旣樂躬輦自相勸飲醇趣明代味愈謝荒陬郊馳深鼓
利穢趨險驚蜚輜繫石沉斬尚開弓射鵬投路暗執屏翳波驚戮陽
侯廣泛信縹眇高行恣浮游外患蕭蕭去中悒稍稍瘳振衣造雲闕

跪坐陳清猷德風變讒巧仁氣銷戈矛名聲照四海淑問無肯休歸
哉孟夫子歸去無夷猶愈

晚秋鄜城夜會聯句

從軍古云樂談笑青油幕燈明夜觀棊月暗秋城柝正封羈客方寂
歷驚鳥時落泊語闌壯氣衰酒醒寒砧作愈遇主貴陳力夷凶匪兼
弱百牢猶興師千戶購首惡正封平生恥論兵末暮不輕諾徒然感
恩義誰復論勲爵愈多士被沾汚小夷施毒蠱何當鑄劔戟相與歸
臺閣正封室婦歎鳴鶴家人祝喜鵲終朝考著龜何日親蒸祔愈閒
使斷津梁潛軍索林薄紅塵羽書靖大水沙囊涸正封銘山子所工

插羽余何忤未足煩刀俎祗應輸管鑰愈雨矢逐天狼電矛驅海若

靈誅固無縱力戰誰敢却正封峨峨雲梯翔赫赫火箭著連空隳雉

堞照夜焚城郭愈軍門宣一令廟筭建三略雷鼓揭千槍浮橋交萬

笱正封蹂野馬雲騰映原旗火鑠疲氓墜將拯殘虜狂可縛愈摧鋒

若羆兕超乘如猱獲逢掖服翻慚漫胡纓可愕正封星殞聞雉雉師

興隨唳鶴虎豹貪犬羊鷹鷂憎鳥雀愈燒陂除積聚灌壘失依託憑

軼論昏迷執及征暴虐正封倉空戰卒飢月黑探兵錯兇徒更蹈藉

逆族相嚼嚼愈軸轡亘淮泗旌旆連夏鄂大野縱氏羌長河浴駱駝

東西競角逐遠近施贈繳人怨童聚謠天殃鬼行瘡愈漢刑支

白香全集 卷八 詩句 三

郡黜周制開田削侯社退無功鬼薪懲不恪正封 余雖司斧鑽情本

尚丘壑且待獻俘囚終當返耕穫愈 藁街陳鈇鉞桃塞興錢鏹地理

畫封疆天文掃寥廓正封 天子憫瘡痍將軍禁鹵掠策勳封龍額歸

獸獲麟脚愈 詰誅敬王怒給復哀人癯澤髮解兜牟醜顏傾鑿落正

封 安存惟恐晚洗雪不論昨暮烏已安巢春蠶看滿箔愈 聲明動朝

闕光寵耀京洛旁午降絲綸中堅擁鼓鈿封 密坐列珠翠高門塗

粉履跋朝賀書飛塞路歸鞍躍愈 魏關橫雲漢秦關東巖粵拜迎維

秦鞬問遺結囊橐正封 江淮永清晏宇宙重開拓是日號昇平此年

名作噩愈 洪赦方下究武颺亦旁魄南據定蠻陬北攫空朔漠正封

儒生愜教化武士猛刺斫吾相兩優游他人雙落莫愈 印從負鼎佩

門為登壇鑿再入更顯嚴九遷彌審謬正封 寘廷盡狐趙導騎多衛

霍國史擅芬芳宮娃分綽約愈 丹掖列鷓鷯洪鑪衣狐貉搗文揮月

毫講劔淬霜鏐正封 命衣備藻火賜樂兼拊搏兩廂鋪翟毳五鼎調

勺藥愈 帶垂蒼玉佩轡蹙黃金絡誘接謂登龍趨馳狀傾藿正封 青

娥翳長袖紅頰吹鳴籥儻不忍辛勤何由恣歡譁愈 惟當早貴富豈

得躉寂寞但擲霍笑金仍祈却老藥正封 歿廟配罇畢生堂合馨鏹

安行庇松篁高臥枕莞蕩愈 洗沐恣闌芷割烹厭脾臄喜顏非忸怩

遠志無隕穫正封 詼諧酒席展慷慨戎裝著斬馬祭旄纛魚羔禮芒

昌黎全集 卷八 詩句 三

昌黎先生集 卷八 取合 三 元德堂

屬愈山多離隱豹野有求伸螻推選閱羣材薦延搜一鶚正封左右

供諂譽親交獻謏嘒名聲載揄揚權勢實熏灼愈道舊生感激當歌

發酬酢羣孫輕綺紈下客豐醴酪正封窮天貢驟異而海賜脯醢作

樂鼓還槌從禽弓始曠愈取歡移日飲求勝通宵博五白氣爭呼六

奇心運度正封恩澤誠布濩巖頑已簫勺告成上雲亭考古垂矩矱


愈前堂清夜吹東第良晨酌池蓮折秋房院竹翻夏籜正封五狩朝

恒岱三改宿楊柞農書乍討論馬法長懸格愈雪下收新息陽生過

京索爾牛時寢訛我僕或歌罟正封帝載彌天地臣辭劣螢爝為詩

安能詳庶用存糟粕愈

卷第八



[The left page of the book is mostly blank with some faint, illegible markings and texture.]

